

Q. D. B. V.  
EXERCITATIO IVRIDICA

SISTENS  
SICILIMENTA

DE

FORO CONTINENTIAE  
CAVSARVM  
EX IDENTITATE

*ad L. 10. C. de Iudiciis*

QVAM

INDVLGENTE ILLVSTRI ICTORVM ORDINE  
IN REGIA FRIDERICIANA

PRAESIDE

IOANNE PHILIPPO CARRACH

IVRIS VTRIVSQUE ET PHILOSOPHIAE

DOCTORE

D. XXVIII. DECEMBRIS MDCCC.

H. L. Q. C.

PVBlicae DISQVISITIONI

SVBMITTET

HENRICVS GODEHARDVS PEDELL.

SILESIVS

---

'HALLAE SALICAE  
AERE IOANNIS FRIDERICI GRVNERTL.

(7)



A SON EXCELLENCE  
MONSIEUR  
LOUIS GUILLAUME  
COMTE  
DE  
MUNCHOW

MINISTRE PRIVE D'ETAT ET DE  
GUERRE DU ROI,

MINISTRE DIRIGENT EN SILESIE, CHEVALIER  
DE L'ORDRE DE L'AIGLE NOIRE, CHEF  
PRESIDENT DES CHAMBRES DE GUERRE ET  
DE DOMAINES DE BRESLAU ET DE GLOGAU,  
SENECHAL DE STOLPE, CHEVALIER DE  
L'ORDRE DE S. JEAN ET COMMANDEUR DE  
SCHIEVELBEIN ET DE LAGOW, SEIGNEUR DE  
WOLLIN, COSE, COSEMUHL, ROGITTKE,  
MICROW, WODNOGGE, ET  
GROSSENDORF.



MONSEIGNEUR.

*J'ai l'honneur de VOUS de-  
dier la piece presente, à  
fin d'avoir une occasion  
de VOUS donner une preuve con-  
vaincante de ma soumission. Et c'est  
ce qui joint à la bienveillance, dont  
MONSEIGNEUR honore tous  
ceux, qui osent aprocher VOTRE  
EXCELLENCE, me fait en  
même*

*même tems éſperer, qu'ELLE la re-  
gardera d'un œil favorable. J'au-  
rai tout lieu de me croire des plus hû-  
reux, ſi VOTRE EXCELLEN-  
CE y ajoute SA prote&tion. Je ſuis  
avec un devouement à toute épreuve*

*MONSEIGNEUR  
DE VOTRE EXCELLENCE*

*à Halle,  
ce 29<sup>e</sup> Decembre  
1750.*

*le tres-humble et tres-obeiſſant  
Serviteur  
H. G. Pedell.*

# CONSPECTVS EXERCITATIONIS,

Cuius

## I) Proëmio differitur

A) de controuersis frequentibus circa requisita iudicum tam

α) in genere, quam

β) in specie circa competentiam eorum, praeipue

γ) propter forum continentiae causarum, unde

B) Scriptores nonnulli de foro hoc recensentur, atque

C) Thema proponitur. §. I. Excipit

## II) Tractatio ipsa, cuius

A) parte generali traditur

α) definitio fori continentiae causarum, atque

β) distinctio inter identitatem et connexitatem causarum §. II.  
fluuntque

γ) axiomata de continentia causarum ex identitate §. III.  
Posthac

B) parte speciali expenditur.

α) axioma I. de ambitu huius fori, quod

a) quadrat ad omnes actiones reales §. IV. seu probatur

N) ex l. 10. C. de iudiciis, quae resoluitur reddita

αα) historia legis, ut et

ββ) ratione eiusdem, immo quoque

γγ) explicato illius tenore, ubi

aa) euoluuntur notiones 1) audientiae, 2) continen-  
tiae, 3) beneficii ac 4) praerogatiuae: quo facto

bb) attenditur ad prohibitionem et poenam lege  
comprehensas §. V. Dein

2) probatur thesis ex paritate rationum in omnibus  
actionibus realibus §. VI. Tractatur porro

b) de identitate causarum intuitu plurium reorum ex eodem  
negotio, quae

N) affirmatur ex paritate rationum, quamuis

2) monetur de silentio textuum iur. civ. tam

αα) in genere, quam facta excussione

ββ) textuum specialium. quales sunt 1) nouell. XCVI.

2) l. 5. C. arbitr. tutel. 3) l. 2. D. de quib. caus.

ad

ad eund. ind. cas. 4) l. 1. D. eod. 5) l. 8. D. de liberal. caus. et 6) l. 9. D. eod. Sequuntur

γγ) observationes generales ad omnes hos textus et  
δδ) ulterior argumenti deductio §. VII. Proponitur

β) secundum axiom. II. usus fori huius in secunda instantia, adducta

a) uniuersalitate rationum, unde

b) applicatio sit ad casus speciales §. VIII. Ostenditur iuxta

γ) axiom. III. defectus fori huius, si incommoda illud causantia alio modo possint vitari, vel

a) ex regulis consilii per commissiones, vel

b) ex regulis iuris per forum domicilii, iunctis

c) observationibus 1) de ficta continentia causae propter actiones plures personales contra eundem reum, et 2) de usu fori domicilii in realibus § IX. Monstratur

δ) ad axiom. IV. defectus fori huius, si pacto aliud statutum, vis si certo loco aliquid dandum sit. §. X. Differitur insuper

ε) ad axiom. V. de vitando abusu fori huius in fraudem primae instantiae tam

a) in genere quam

b) in specie fori austregarum, quo loco

N) ventilantur quaestiones,

αα) an austregae dici possint prima instantia, nec non

ββ) an aduersus illas utendum sit continentia causae, iunctis

2) observationibus 1) de usu fori huius aduersus iudicia Imperii particularia, ac 2) de abusu eiusdem per adpellationes ad iudices ecclesiasticos §. XI. Denique

ζ) ad axiom. VI. ostenditur defectus huius fori aduersus subditos plurium territoriorum ob ius de non euocando, rei euincitur

a) ex natura continentiae causarum et ratione legis 10. C. de Iudiciis, atque

b) ex indole superioritatis territorialis et iuris de non euocando, quod illius vi competere probatur

N) theticae et

2) antitheticae. Fulcitur quoque doctrina nostra

c) tenore legum Imperii, adnexa

δ) observatione de differentia iuris de non adpellando et non euocando. Tandem sit

III) Conclusio §. XII.

Q. D.





Q. D. B. V.  
 EXERCITATIO IVRIDICA  
 SISTENS  
 SICILIMENTA  
 DE  
 FORO CONTINENTIAE  
 CAVSARVM  
 EX IDENTITATE

*ad L. 10. C. de iudiciis.*



§. I.

Inter ea, quæ ad iudicii cuiuslibet substantiam pertinent, capita, ad iudicem utique est respiciendum, qui ut habilis nec de partium studio suspectus sit aequè ac competens, necesse est. Vti vero prius requisitum alterumque non paucis ansam præbere intelligimus dissidiis, ita pariter de posteriori caractere frequentiora adhuc nascuntur iurgia. Horum scilicet eo plura gignuntur, quo plures sunt fori competentis species. Etenim præter generale forum, quod vel domicilii

Proœmium.  
 Controversiæ  
 frequentes  
 circa requisita iudicum  
 in genere

in specie circa  
 competentiam.

A

vel

praecipue ob  
forum conti-  
nentiae causam

scriptores hunc  
hoc foro

vel originis esse ex elementis iurisprudentiae percipimus, speciale in primis forum varium esse deprehendimus: siquidem aliud contractibus, aliud delictis, aliud rei sitae assignatur; ut denique forum ex privilegio competens omnibusque, quas enarraui, speciebus, utpote ex iure communi derivatis, contradistinctum silentio transcam. Quemadmodum autem rerum argumenta sedulo scrutantibus vix latere poterit, ea, quae vulgo de foro contractus ac delicti traduntur, in abuturum saepius trahi, et praecipue ad intervertendum forum privilegium interdum applicari: sic quoque illud fori specialis genus, quod ex continentia causae oritur, eandem aliquando subire sortem observamus, dum actor scilicet continentiam fingit causae, quo vel reus prima interdicat instantia, vel iudici, qui in hac cognoscere debuisset, fraus fiat. Arduum sane est momentum hocce, nec indignum latiori disquisitione, quum utique iis, qui in foro versati, fatendum sit, rem esse haud sterilem, quippe quae frequenter in iudiciis obuia sua commendatur utilitate. Minime quidem fugit me, plures iamiam Ictos occupatos fuisse in tradenda doctrina de continentia causae, quum partim peculiaribus scriptis eam delineaverint, partim velitationes ad illam exponendam tendentes commentationibus civilium legum peritiam illustrantibus inseruerint. Ex illorum numero primarii sunt PETRVS FRIDERVS, a) ADRIANVS BEIERVS b) et IOANNES BALTHASAR WERNHERVS c): ex his contra nominari praecipue merentur SCHILTERVS, d) STRYKIVS, e) SICHARDVS, f) BRUNNEMANNVS, g) IVSTVS MEIERVS

RVS

a) *Traclatu*, qui tribus libris absolvitur, de *Continentia Causarum*.

b) *Diff. de Continentia Causae*.

c) *Diff. de Continentia Causarum*.

d) *Exercitation. ad Pandectas XXI, §. 9. sq.*

e) *Vf. modern. Pandect. Lib. XI, t. 2.*

f) *ad l. 10. C. de Iudiciis.*

g) *ad tit. D. de quib. caus. ad quid. iud. est. et ad d. l. C.*

RVs, h) ILICO VMMIVS i) et ILLVSTR. DN. AVGVSTIN. A LEYSER k). Nihilominus quaedam adhuc superesse visa sunt sicilicet in manipulum colligenda. Adpuli hinc animum ad spicilegium eiusmodi observationum, quae ab aliis aut praetermissae aut saltem quadam adhuc indigent disquisitione: attendens ante omnia ad restringendum forum continentiae causarum, cuius rei praecipua ob oculos ponere nitamur capita. Quum quoque inter huius fori fundamenta, quae ex legibus petuntur, praerogativa debeatur LEGIX. C. DE IVDICIIS et hoc fulcro plerique prudentum suas firment sententias: non incommodum ratus sum, huius maxime rationem habere sanctionis; in quo eo rectius versari mihi videor, quum ex huius legis ratione non minus ac dispositione apta nonnulla deducenda sese exhibeant consuetaria.

## §. II

Forum continentiae causarum est forum speciale pluribus causis ideo commune, quod se inuicem contingant. Contingere vero se inuicem dicuntur causae, quae sunt vel respectiue eadem vel plane diuersae attamen connexae. De causis respectiue iisdem in praesentiarum differam, dilata connexitatis consideratione ad oblatam proximam occasionem commodiorem: quum vtriusque rei contemplatio distinctior modum exercitationi huic statutum excederet. Identitas causarum respectiua oritur, quum si plures rei diuersis iudiciis subiecti ex eodem negotio conueniantur, tum si actio moueatur contra vnum vel plures reos, sed de re sub plurium iudicum iurisdictione constituta. Vtroque casu iudex ad eundem est communis proximus superior: quo scilicet obuiam eatur absurdo plurium sententiarum de eadem relatarum sibi quae inuicem contrariantium, utpote quod facillime contin-

Pars generalis. Definitio fori continentiae causarum atque distinctio inter identitatem et connexitatem causarum.

A 2

ge-

h) *Colleg. iuris Argentorat. ad ff. Lib. XI. t. 2.*

i) *Disput. ad process. iudicial. IV. thes. 4. n. 18. §§.*

k) *Meditat. ad Pand. tom. II.*

geret, si eadem causa coram diuersis iudicibus proponeretur: cui adde tam quod euitanda sit multiplex probatio, quam quod sumtibus sit parcendum, qui per eiusmodi diuisionem causae magnopere augerentur.

## §. III.

**Axiomata de  
continentia  
causar. ex  
identitate.**

Ex his sane principiis omnia, quae in materia de continentia causarum obueniunt, diiudicanda erunt. Inde enim sequentia promanant axiomata, ex quibus dein conclusiones specialiores quaecunque haud difficili negotio poterunt deduci, I) quod in omni identitate causarum forum proximum commune superius sit prima instantia, dein II) quod non in prima solum, verum et in secunda seu adpellationis instantia forum continentiae causarum usum habeat, non minus III) quod huic foro non sit locus, si incommodis, quae notauimus, alia ratione praecaueri possit, pariter ac IV) si pacto aliud conuentum, nec non V) quod eodem non sit abutendum in fraudem primae instantiae, tandem VI) quod saltem obtineat forum hoc in eodem territorio, non vero accipiendum sit in praecedendum potestatis territorialis et, quod ex hac fluit, iuris de non euocando. Singula axiomata sigillatim erunt excutienda.

## §. IIII.

**Pars specialis.  
Explicatio  
axiom. I. am-  
bitus huius  
fori in omni-  
bus actionib.  
realib.**

Quantum ad axioma I. §. III. traditum attinet, non desunt I Cti, ex quorum mente in hereditate solum sub diuersis iurisdictionibus sita forum commune superius obtinet, nec ad alias species trahendum est. Verum haec opinio quum generalitate principiorum §. II. prolatorum tum illimitata ipsarum legum dispositione confutatur. Quum rationibus, quae ex cautione legum diferta depromptae, primae vbicunque debeantur: hinc et nostram causam ante omnia legalibus probationibus vniuersaliter conce-  
ptis

ptis muniam; dein ubi adplicanda erunt dicta ad specialiores casus, principiorum amplitudinem commonstrabo.

## §. V.

Inter fundamenta legalia, quibus sententia nostra de continentia causarum extra hereditatem quoque obtinente superstruitur, firmissimum certe deprehenditur in *Lege 10. C. de Iudiciis*. Quumque ex lege ista non haec solum diiudicanda sit quaestio, verum ex eadem perplura thematis nostri capita sint exponenda, praemissis verbis constitutionis, partim in temporis, quo lata, rationes inquiram, partim quoque in ipsam sanctionem commentabor. Ita ergo sonat dicta *lex 10. C. de Iudic. Imp. Constantinus A. ad Severum Praefectum urbi*. Nulli prorsus audientia praebeatur, qui causae continentiam diuidit, et ex beneficii praerogativa id, quod in uno eodemque iudicio poterat terminari, apud diversos iudices voluerit ventrilaré: poena ex officio imminente ei, qui contra hanc supplicauerit sanctionem, atque alium super possessione, alium super principali quaestione iudicem postulauerit. Dat. III. Kal. Aug. Paulino et Iulian. Coss. Quantum ad historiam huius legis temporisque, quo rogata, circumstantias spectat, ea desumpta est ex Codice Theodosiano, ubi est *l. 2. de Iudiciis (Lib. II. tit. XVIII.)* Quaedam tamen obigit eiusdem mutatio, intuitu historiae scilicet poenae, quae supplicantibus contra hanc sanctionem statuta: quam rem ulteriori dilucidatione indigentem breui post fusius explanabimus. CONSTANTINVM M. IMPERAT. auctorem laudat haec constitutio, prout ex inscriptione pariter ac subscriptione perspicimus. Siquidem inscripta est ACILIO seu ACHILIO SEVERO praefecto urbi, quem aliis codicibus SEVERIANVM audire cognoscimus ex *Chronologia Codicis Theodosiani* 1). Data vero ANICIO FAVSTO PAVLINO

A 3

et

1) praemissa IACOBI GOTHOFREDI *Codicis Theodos. p. 25. editio.*  
DNI RITTERI.

ET PVBLIO CEIONIO IVLIANO COSS. quos eo anno, quo ACILIVS praefectura functus, consulatum gessit mo-  
nent PETRVS RELANDVS, m) CAROLVS SIGONIVS n)  
et IOANNES PHILIPPVS A VORBURG o). Incidit autem  
Consulatus hic in extremum annum, quo CONSTANTINVS M.  
cum LICINIO simul regnavit, nimirum in annum Christi  
CCCXXV. vti habet GOTHOFREDVS p) et huc collineant  
*Fasti Consulares* CONTII: vt silentio praeremittam ZOSIMI,  
ONVPHRII PANVINII, CALVISII, SIGONII ET GORDONI  
testimonia, qui omnes in eo conveniunt, quod LICINII  
caedes hoc anno sit perpetrata. Erronee ergo BARONIVS q)  
interitum LICINII in annum CCCXXIV. reiecit, pari-  
ter vti HALOANDER in *fastis Consularibus* parum accurate  
PAVLINVM ET IVLIANVM Coss. non minus ac extremum  
annum coimperii LICINIANI ad sequentem Christi annum  
referri debere adstruit. Nicaenam Synodum hoc anno habitam  
fuisse, constat ex sequenti Socratis r) relatione: *Tempus  
autem quo synodus congregata est, sicut in notationibus tempo-  
ris ipsi synodo praefixis inueni, fuit Consulatu PAVLINI ET  
IVLIANI, die vndecimo Kalendas Iunias anno sexcentesimo tri-  
cesimo sexto a regno Alexandri Macedonis.* Synodum eam hoc  
anno habitam firmitus adhuc probant verba in *Actis* ipsius *Con-  
cilii* obuia, quae adducuntur in *Chronologia Cod. Theodos.* Εν  
υπατεια Παυλινου και Ιουλιανου των λαμπροτατων υπαρχων ετης εξα-  
κοσιου τετρακοντα εκτα απο Αλεξανδρου id est *Consulatu Paulini  
et Iuliani Virorum clarissimorum anno 636. ab Alexandro.* Col-  
lineat huc subscriptio L. 3. C. Th. de diuers. rescript. ita conce-  
pta: *Data X. Kal. Iun. Nicaeae Paulino et Iuliano VV. CC. Coss.*  
Vt

m) In *Fastis Consularibus* p. 318.

n) de imperio occidentis libr. 3.

o) *Historiar. Tom. II. ad ann. 324. p. 266.*

p) ad L. 2. C. Theod. de iudiciis.

q) *Annal. ad ann. 324. num. 4.*

r) *Histor. Eccles. lib. I. cap. 13.*

Vt nihil in praesentiarum dicam de SCALIGERI, PETAVII, RICCIOLII et PAGI circa annum Concilii consensu. Patet hinc DOROTHEVM minus recte synodum illam tulisse ad annum CCCXVIII., vti nec assentiendum est PLATINAE, secundum quem in annum CCCXXX. transfertur. Adicienda quidem esset hoc loco formae rei iudicariae, qualis CONSTANTINI M. aevo fuit, delineatio, quo commodius indagari possint rationes latae huius constitutionis. Verum hic non inique defectum accuratae notitiae iudiciorum Romanorum modique procedendi post HADRIANI IMPERATORIS tempora dolemus. Etenim postquam hic princeps compilato Edicto perpetuo Praetoribus edicendi facultatem ademit ipseque pariter ac successores iudiciorum formam totam imminuit, parum utilitatis in eadem cognoscenda amplius praestant scripta Iureconsultorum processum forensis antiquiori aevo visitatum delineantia. Et in hoc sane ante oculos ponendo elaborant FRANC. POLLETVS s) CL. PREVOTIVS t) PAVL. BVSIVS u) IO. CALVINVS x) GERARD. NOODT y) CAROLVS SIGONIVS z) et IO. SAM. STRYKIVS a). Quae vero in Codice utroque deprehenduntur sanctiones de iudicialium cognitionum ratione ac ordine latae, quum successores CONSTANTINI M. habent auctores, tum ab ipso hoc IMPERATORE post conditam *l. 10. C. de Iudic.* sunt publicatae. Siquidem etiam post hanc legem nimirum BASSO et ABLAVIO COSS. (*id est anno CCCXXXI.*) promulgatum est Edictum ad vniuersos prouinciales per Orientem de Iudiciorum

Ratio eiusdem.

s) *Histor. for. Roman.*, quam auctiorem edidit BROIDAEVS.

t) *de potestas. magistr. Roman.*

u) *de officio iudicis.*

x) *de magistrat. Rom.*

y) *de iurisd. et imperio Oper. omnium p. 119.*

z) *de Iudiciis Romanor.*

a) *Diff. de process. iur. Rom. antiq. adde NOTTMANN. in observ. iur. civil. passim.*

rum ordine et sanctitate Constantinopoli emissum, cuius partes exhibent *l. 1. C. Th. de officio Reſtor. prouinc. l. 3. C. Th. fin. regund. l. vn. C. Th. de litigijs. l. 16. et 17. C. Th. de appellation. l. 1. C. Th. de his quae per metum iudicis l. 4. C. Iustin. de iurisdic. omnium iudic. l. 3. C. de officio Reſtor. prouinc. et l. 2. C. ubi in rem actio b*). Ad eundem igitur temporis articulum remittenda erit diuſio imperii in certas praefecturas praetorii eatenus independentes, vt ab iis IMPERATOR adpellari nequireret, de qua diuſione, ſed poſthabita chronologiae eiusdem cura, percommode diſſeruit B. DN. A LVDEWIG c). Non poſſunt inde non illi quoque, qui ius iudiciorum Romanorum nouiſſimum illuſtrarunt, quales ſunt GVDELINVS d) ac REGNERI AB OOSTERGA, e) eidem ſtatui, qui poſt CONSTANTINI M. aevum aut ſaltem poſt latam hanc legem introductus, repraeſentando ſtudere. Forte tamen coniecerim, CONSTANTINVM M. hanc ipſam, quam perpendimus, conſtitutionem ideo edidiſſe, quo incrementum capiat potestas praefecti vrbi. Etenim huius magiſtratus officium atque imperium maxime differebat pro diuerſitate temporum et formae reipublicae Romanae. Sane quali polluerit ille auctoritate tam ſub regibus primis quam florente reipublicae libertate, immo et procurationem eiusdem, reſtaurata per AVGVSTVM monarchia, accurate oſtendit HOTTOMANNVS f). Sed aevo antiquo, nimirum ante CONSTANTINVM M. praefecturam vrbiſ Romae tantum deprehendimus, quum  
huic

b) *vid. Chronolog. C. Th. p. 32. edit. DN. RITTERI.*

c) *in Viſa IYſTINIANI M. p. 355. conf. BALDVINVM in CONSTANTINO M. lib. II. p. 92.*

d) *de iur. nouiſſimo ſos. libr. IV.*

e) *diſputat. ad Codic. VII.*

f) *HOTTOMANN. in deſcript. magiſtrat. Romanor. De officio praefecti vrbi ſcripſere CASSIODORVS ET CONTELORIVS nec non IO STRAVCHIVS in diſſ. de C. lapidibus ſuburbicariis quae inſerta diſſertationibus huius auctoris varioribus cura VIRI FRALLYSTRIS DOMINI KNORRII editis.*



huic soli axioma urbis proprium fuerit caeteris locis ex aduerso adpellatione oppidorum designatis: quod ipsum valde mutatum est sede imperiali Constantinopolin translata. Ex hac enim aetate urbis vocabulum, ideoque et praefecti urbis dignitas communis non modo reddita est huic posteriori metropoli, quae et noua Roma audit, prout obseruat GVDOLINVS g): sed in legibus Codicis quoque nomine isto plerumque indigitatur Constantinopolitanus praefectus, qui aulicum gessit officium perpetuis Imperatorum largitionibus in dies auctum. Siquidem ipse noster CONSTANTINVS proximo post datam praesentem sanctionem anno ad IVLIANVM praefectum urbi *leg. 17. C. de appellat. et consult.* rescripsit: *Si apud utrumque praetorem dum quaestio ventilatur, ab aliqua parte auxilium pronocationis fuerit obiectum: praefecturae urbis iudicium sacrum pronocator obseruet.* Distinctus adhuc filii huius Caesaris CONSTANTINVS scilicet et CONSTANS definierunt terras, vnde praefectus urbi Constantinopolitanae sit adpellandus, dum *lege 23. C. eod.* ita fantur: *Cum adpellatio interposita fuerit per Bithyniam, Paphlagoniam, Iyd m, Hellepontum, insulas etiam ac Phrygiam salutarem, Europam ac Rhodopen et Hemum montem: praefecturae urbis huius iudicium sacrum appellator obseruet.* Legerunt horum principum vestigia in amplificando officii istius honore atque potestate eius latius extendenda VALENTINIANVS, VALENS, GRATIANVS, VALENTIANVS IVNIOR, THEODOSIVS M. ET ARCADIVS AVGG. ceu ex pluribus eorum constitutionibus, quas vterque codex complectitur, perspicue intelligimus: quibus tandem accessit IVSTINIANI praeceptum, qui *Novell. LXII. §. 2. urbicariam praefecturam omnibus aliis praefedere dignitatibus id est ante sedere iussit.* Quo ergo accessionibus his praefecturae urbicariae viam sterneret, easque postmodum obuientes magis proficuas redderet CONSTANTINVS, hac *lege 10.* prohibuit scindendam causae continen-

B

tinen-

g) *loc. cit. libr. V. cap. 7. p. 24.*

tinentiam. Etenim in genere animaduertimus magnopere  
 fauisse IMPERATORES istius acui iudiciis superioribus et in  
 eorum potestate promouenda singularem posuisse operam:  
 praefectura vero vrbis per *I. 17. C. de adpellation.* in iudicium  
 superius pluribus prouinciis commune erat euehenda; eam-  
 que ob causam occupabatur IMPERATOR circa designandos limi-  
 tes eiusmodi iudiciorum. Fateor vtique et prae me foro, ne  
 ven quidem de foro superiori communi propter identitatem  
 causae adeundo lege hac contineri: nihilominus ea, quae iam  
 supra §. II. et III. de natura identitatis eius attuli iunctis illis,  
 quae infra tam ad hanc legem, quam generatim in exposicio-  
 ne axiomatum speciali tradam, satis euincunt, nullum aliud  
 forum quam commune proxime superius hic esse competens.  
 Ex his itaque probabili coniectura elicienda est causa impuls-  
 sua huius sanctionis, quae rationem finalem simul indigitar.  
 Haud quidem ea mihi stat sententia, quasi seiungendae ab  
 hac sint rationes reliquae ex indole continentiae causarum,  
 quam §. II. stitit, deducendae: sed id solum mihi curae fuit,  
 vt ostenderem, cur isto speciatim tempore, cui lex haec nata-  
 les debet, emissa fuerit constitutio circa forum continentiae  
 causarum determinandum versata. Nec etiam animi tantum  
 mudo causa disquisitionem talem succepi, aut litem de lana  
 caprina exorsus sum: siquidem non modo vbique prodest  
 scire rationes legum, easque occultas inuestigare, verum  
 hic praesertim manifeste patet, ex indagata hac causa impul-  
 sua, et sub illa latente ratione eiusdem finali, pendere appli-  
 cationem iuris a CONSTANTINO statuti ad casus in foris  
 nostris haud raro obuios, quod sequens tractatio perspicue  
 docebit. Satis hucusque dictum de circumstantiis, quae au-  
 ctorem ac tempus legis huiusce conditae spectant eiusdem-  
 que rationem conficiunt: dicendum nunc de ipso Angusta-  
 lis praecepti tenore. Totā scilicet constitutio eo tendit, vt  
 obuiam eatur his, qui causas se inuicem contingentes in plu-  
 ri deducentes iudicia aduersarios calumniosis fatigant liti-  
 giis. Nullam plane eiusmodi disceptatoribus audientiam  
 praee-

tenor legis  
 explicatur

significatur  
 vocis audien-  
 tia,

praebere debere iudices, cauet legislator: quae formula cum in modum est accipienda ac si dixisset, eos a limine iudicii statim esse repellendos. Nimirum varia significatione accipitur vox audientiae in iure nostro, modo in sensu naturali et grammatico sumitur pro auditione vel perceptione, prout intelligimus ex *l. vn. C. de nudo iure Quiritium tollendo*, ubi IUSTINIANVS mentionem iniicit, *iuuenum qui ad primam legum veniunt intelligentiam*. Modo iurisdictionem aut, uti mauult DIONYSIVS GOTHOFREDVS, h) notionem denotat, quo sensu audientiam episcopalem Codici venire nouimus. Modo tandem per eam insignitur admissio ad agendum. Ita profecto in *l. i. C. ne liceat potentior patrocin*. DIOCLETIANVS et MAXIMIANVS A.A. hoc verbo vtuntur, dum rescribunt: *quare cum inter sit in vniuersum omnium et praecipue tenuiorum, qui saepe importunis potentium intercessionibus opprimuntur, inter litigatores audientiam tuam impertire debebis*. Pariter CONSTANTINVS M. sic loquitur *l. 7. C. de ord. cognition*. *At si eum de obsequiis seruilibus libertatem constiterit flagitare, ante decidi status causam, atque ita praebere direptorum negotiorum (si res exegerit) audientiam*, qua formula IMPERATOR praecipit, praemittendam esse praepiudicalem actionem de liberali causa, et recuperatorium iudicium illa demum ad finem perducta instituendum. Ex hac igitur obseruatione de vero sensu vocabuli audientiae illustrauerim elegantem concentum theoriae legum Romanarum et praxeos tribunalium nostrorum hac in causa. Quemadmodum enim ibi CONSTANTINVS temerarios litigatores continentiam causae scindentes ab actionis propositione arcendos esse iubet: ita quoque exceptioni continentiae causarum inter praescriptiones dilatorias et in primis fori declinatorias adhuc vindicatur locus. Continentiam causae diuidere, quid sit, ex §. II. iudicaueris, ubi diximus, continentiam causae oriri, si plures causae se inuicem contingant, quod sit, tum si causae sint respectiue eadem, tum si plane

continentiae

B 2

sint

h) not. ad rubr. tit. C. de episcop. audient.

sint diuersae attamen conhexae. Commode omnino definitioni nostrae illustrandae inseruit accuratior inquisitio in ipsam vocem *continentiae* praesenti textu expressam. Animaduertit IACOB. GOTHOFREDVS, i) *continentiam* vel in ipsis legibus vtriusque Codicis nonnunquam tenorem, argumentum et seriem scripturae, inprimis testamenti, contractus aut legis vocari. Sed hanc acceptionem termini istius ad expositionem textus nostri parum facere existimauimus: quin potius alteri significatui, quem GOTHOFREDVS obiter tantum adduxit, quod nempe *continens* pro *continuo* seu *contiguo* vsu veniat, primas in conficienda Caesarei oraculi explicatione deberi arbitror, sequentium fide fretus obseruationum. Ex optimis ingenuisque LATII auctoribus testimonia congesterunt AELIVS ANTONIVS DE LEBRIXA, k) et IOAN. CALVINVS, l) quae probant, *continens* perquam frequenter pro *continuo*, i. e. *continuato* occurrere. Maxime etiam huc facit quod suburbia *urbis continentium* adpellatione saltim non semper insignita veniant. Et enim PAVLVS lege 2. ff. de V. S. ita: *Vrbis appellatio muris: Romae autem continentibus aedificiis finitur, quod latius patet. Haud aliter VLPIANVS in l. 139. ff. eod. Aedificia Romae fieri etiam ea videntur, quae in continentibus Romae aedificiis fiant. Quemadmodum MACER quoque l. 154. eod. sic fatur: Mille passus non a miliario vrbis, sed a continentibus aedificiis numerandi sunt. Parem in modum suburbicarios Romanos l. 147. D. eod. in continentibus vrbis natos vocat. Quin etiam in l. 173. et 199. D. eod. quando absentia describitur, suburbia *continentia* dicuntur et *continentia* aedificia in l. 4. D. in quib. caus. pign. vel hyp. occurrunt. Iunge his ea quae BARN. BRISSONIVS, m) PARDVLPHVS PRATEIVS n) et IACO-*

BVS

i) ad l. 2. C. Tb. de Iudiciis.

k) in lexico iur. civil. contra ACCVRSII error.

l) in lexico. iur. voc. continent.

m) in lexico. iur.

n) lexico iur. civ. et canon.

BVS SPIEGELIVS o) de vocibus *continentis* et *continentiae* notarunt. Magis adhuc confirmantur dicta de continentia pro contiguitate sumta per diserta verba legis 99. §. 1. D. de Verbor. Sign. ita sonantia: *Continentes prouincias accipere debemus eas, quae Italiae iunctae sunt: ut puta Galliam: sedet prouinciam Siciliam magis inter continentes accipere nos oportet, quae modico freto Italia diuiditur.* Haud difficili itaque negotio quilibet iudicauerit, parum recte versari eos, qui aut per easdem tantum causas, aut per solas connexas continentiam causae interpretantur, vti quoque taxandi, qui diuisionem petitionii ac possessorii, quam lex reprobauit, vnice huic referunt. Vtrumque naeuum Interpreti Codicis Theodosiani et IACOBO GOTHOFREDO communem deprehendimus. Si quidem ille sic explicat legem 2. C. Th. de iudiciis. *Nullus penitus audiat, qui vnius causae propositionem apud duos iudices partiiri voluerit, ut apud vnum de negotio principali proponat et ab alio sibi momenti beneficio rem postulet consignari.* GOTHOFREDVS vero mentem suam clariorem redditurus hac ratione in verba legalia commentatur: *Continentia causae est tenor et connexitas causae; ut ecce si lis de proprietate, et possessione, vna est lis, vna causa, sed quae duo habet capita continua.* Contingentes ergo se inuicem causae idem designant atque contiguae, vti nec grammaticis latet, contactum pro contiguitate accipi. Contignae vero causae neque identitatem neque connexitatem excludunt. Tam firmiter vero obseruandum cupit CONSTANTINVS aequissimum hoc praeceptum, ut ne praetextu quidem praerogatiuae beneficii scindi continentiam causae permittat. Recte hic IACOB. **beneficij** GOTHOFREDVS illos erroris arguit, qui beneficii praerogatiuam per militarem praerogatiuam reddunt: vti quoque hos aequo accurato iudicio carpit, qui priuilegium fori ex aliquo capite subintelligendum esse sibi persuadent. Neutrum enim admittere sinit significatio locutionis istius, qualem quum

B 3

ICris

o) *lexic. iur.*

ICtis antiquis tum IMPERATORIBVS, ex quorum legibus vterque Codex constat, familiarem aduertimus. Vtique istos interpretes, qui militare quoddam praecipuum intelligi existimant, eo forsitan captos hariolor, quod CUIACIO p) allegante *beneficarii* FESTO audiant milites vacatione munus grauiorum gaudentes, quae ipsa ex priuilegio omnino etiam fuit deriuanda. Sed vti recentiori tempore secundum CUIACII notata antiquus ille beneficiariorum significatus in desuetudinem abiit: ita multo minus hinc argumentum erit ducendum ad expositionem textus nostri, vbi famosior suppetit sensus isque simul magis proprius. IAVOLENVS profecto *lege 3. D. de constitut. Princip.* vocem *beneficii* explanat, vbi sic disserit: *Beneficium Imperatoris, quod a diuina scilicet eius indulgentia proficiscitur, quam plenissime interpretari debemus.* Eodem sensu VLPIANO speciale principis beneficium in *leg. 36. D. ex quibus caus. maior. XXV. ann.* et beneficia principalia PAYLO l. 43. *D. de vulgar. et pupillar. substit.* memorantur. Maxime vero familiaris est vox beneficii ita sumpta IMPERATORIBVS recentioribus haud infrequenter ideo in vtroque Codice obuia. Fastidiret sane infinitorum exemplorum, quae meo adserto firmando inseruiunt, rationes inire: siquidem vel in *leg. 14. C. Th. de mesatis* iterata vocabulum istud offendimus vice. Speciale inprimis beneficium occurrit in *leg. 4. C. Th. de const. Princip.* in oppositione ad *praeceptum generale*: prout quoque beneficiariorum imperialis decreta in *lege 5. C. Th. de denunt. vel edition. rescriptor.* VALENTINIANO iuniori id audit, quod alii Caesares per *sacram auctoritatem, indultum maiestatis oraculum, rescriptionem, responsum imperiale, indulgentiam vel coeleste oraculum* reddunt. Nec omitamus ipsam praerogatiuae vocem idem ferme denotare secundum vsum loquendi. Equidem quodcunque alii praefertur, praerogari dicitur, inde sine dubio, quod praerogatiua quondam in comitiis centuriatis vo-

cata

et praerogatiuae.

p) ad Nevell. IVSTINIANI XIII. in fin.

ceta sit centuria, quae sorte prima exibat, ideoque prima ro-  
 gabatur: vnde nomen hoc speciale dein transit generatim ad  
 omne praecipuum. Vt ergo beneficii praerogatiua sit expo-  
 nenda per praecipuum priuilegio Caesareo indultum. Alia  
 adhuc ratione **ALCIATVS** sibi visus est dispexisse naturam  
 verbi praerogandi, ostendens illud designare concessionem  
 gratuitam, talemque, quae quasi in rogantis fauorem facta  
 est: quemadmodum **PRATEIVS** etiam ex **ICTorum** anti-  
 quorum dictis coniecit, praerogare ab iis nonnunquam poni  
 ea mente ac si dixissent *praerogare*, vt designet tum pensio-  
 nem ante tempus factam, tum rem cuidam prae aliis tributam.  
 Et hunc profecto significatum praefens agnoscit constitutio,  
 vt adeo non opus sit refugio ad priuilegium fori specialis.  
 Nec dissimulo, me fugere causam, quae interpretes ad huius-  
 modi explicationem adduxit, fin eam repetitam fuisse augu-  
 rer ex *leg. 15. C. Th. de Senator.* vbi **THEODOSIVS** et **ARCA-**  
**DIVS** de silentiariorum praerogatiua verba faciunt ita, vt  
 haec accipienda sit pro complexu priuilegiorum officialibus  
 istis propter dignitatem, qua eminebant, competentium.  
 Tantum autem abest, vt in textu nostro singulare quid cauea-  
 tur, vbi **CONSTANTINVS** ne beneficii quidem praeroga-  
 tiuam attendi vult, cum potius hoc ex vulgatis principiis  
 et analogia legum fluat. Sanxit nempe iam decennio ante  
 hanc constitutionem conditam ipse **CONSTANTINVS**, vt  
 rescriptorum iuri contrariorum nullus sit valor, dum *legenti. C.*  
*Th. de diuersis rescript.* ita concepit: *Contra ius rescripta non*  
*valeant, quocunque modo fuerint impetrata. Quod enim pu-*  
*blica iura praescribunt, magis sequi iudices debent.* Lex haec  
 licet **Codici IVSTINIANO** non sit inserta, binas tamen alias  
 ibi reperimus in idem latas. Altera est *lex. 3. C. de precib.*  
*Imperator. offer.* sequenti ratione sese habens: *Nec damn. sa-*  
*fisco, nec iuri contraria postulari oportet.* In transitu  
 saltem moneo, codices circa hanc legem in mendo vulgo cu-  
 bare, propterea quod inscriptionem eius hanc sistant: *Idem*  
*A. ad populum, lex. 2. vero immediate praecedens* **CONSTAN-**  
**TINVM**

prohibito  
 legis

TINVM M. praeferat auctorem, a quo IULIANO ET PAV-  
 LINO COSS. Niceae confecta et A. SEVERO PF. V. inscri-  
 pta est: quum tamen haec l. 3. sit CONSTANTINO IVNIO-  
 RI vindicanda, prout patet ex subscriptione: *Dat. Prid. Kal.*  
*Octob. Constantio A. VII. et Constantino Caes. IV. Coss.* quamvis et  
 haec subscriptio vitio non careat, quoniam isto anno; quo  
 CONSTANTIVS septimum consulatu functus est, CONSTAN-  
 TINVS tertium non quartum hanc dignitatem gessit. Sed ad  
 rem. Altera constitutio, quae de rescriptis iuri contrariis *in C.*  
*Iust.* habetur, est l. 7. eod. huius tenoris: *Rescripta contra ius*  
*elicta, ab omnibus iudicibus refutari praecipimus, nisi forte sit*  
*aliquid, quod non laedat alium, et prosit petenti, vel crimen sup-*  
*plicanti indulgeat.* Idem fere statuit ANASTASIVS IM-  
 PER. *in l. fin. C. si contra ius vel utilit. publ.* qui prohibet *rescrip-*  
*ta, pragmaticas sanctiones et sacras adnotationes, quae genera-*  
*li iuri vel utilitati publicae aduersari videntur, in disceptatio-*  
*nem proferri.* Alias peculiare leges, quae rescripta aduersus  
 iudiciorum ordinem proposita observari vetant, fatius duxi  
 mittere, quum parum infrequentes eas in iure deprehenda-  
 mus. Perspicuum hinc est, CONSTANTINVM rescriptum,  
 quod praecipuum et privilegium scindendae continentiae cau-  
 sarum largitur, pro sub- et obreptitiae impetrato reputari ius-  
 sisse. Poenali itidem sanctione coercentur violatores huius  
 legis, quam IUSTINIANVM praeceptum arbitrio iudicis re-  
 liquit: in quo diuortium facit ab originali in *Cod. Theodosiano*,  
 quo statuitur legi aduersaturum, rei, quae petebatur, integra  
 aestimatione subducta, quintam portionem Reipublicae eius ci-  
 uitatis inferre debere, in cuius finibus res, de qua agitur, con-  
 stituta. De poena hac fusius egit GOTHOFREDVS *ad l. 2.*  
*C. Th. de iud.* cuius verba huc transcribere, parum opportunum  
 iudico. Idem etiam suppeditauit rationem, cur reipublicae,  
 non fisco Caesareo, multam inferendam iusserit IMPERATOR,  
 licet alias eo aevo omnes multae fisco cesserint, eam puta ob  
 causam, quia legi huic aduersatus Rempublicam ipsam, non  
 priuatum solum litigatorem, laesisse ejusque iuribus euertendis  
 studuisse.

poena sub-  
iuncta



studuisse dicendus sit. Quare insuper in commentario GOTHOFREDI refutationem *Interpretis C. Th.* qui seueritatem legislatoris ad amissionem quintae portionis facultatum actoris, quantum ibi possederit, trahendam putat: in quo manifeste contrariariis verbis legis a GOTHOFREDO rectius ita expositis, ut aestimatio rei litigiosae venire debeat. Poenam arbitrariam a IUSTINIANO surrogatam de restitutione expensarum intelligit SICHARDVS q) BALDI hac in re sequutus auctoritatem: quamvis hanc refusionem poenae nomine insignire ego saltem vix sustineam; quum reparationem damni continere videatur potius, imo et alias ad refundendos sumtus litis teneatur is, qui contra disertum legis tenorem, licet poenalis non sit, aduersario iurgium facessit, qua de re aliam poenam stricte dictam IMPERATOR intendisse censendus est. Amissionem causae huc vocat FRIDERVS: r) quae tamen durissime excogitata poena, illamque antiquam a CONSTANTINO impositam longe excedens, legum praeterita est silentio. Addo si certam talem poenam, qualis est iactura actionis, figamus, deficere arbitrium iudicis, quod inuoluit, circumstantiis attemperandum esse modum puniendi, quin et eadem poenam magis priuatam argueret, dum aduersarii commodum inde promoueretur, quod tamen partim minus congrueret cum voluntate legislatoris, partim nobis quidem difficillimum esset ad applicandum quum poenae priuatae vsu destituantur. Dicendum potius est, licere iudici in eum, qui hac ratione calumniosum suscipit litigium, multa animaduertere pro gradu malitiae temerarii litigatoris determinanda: quemadmodum nec alias incognitum est medium multis coercendi protractores iurgiorum, eosque, qui student ferendis litibus. Sed quum hic supponatur dolus, et fatua quoque causa, secundum vulgatum istud brocardicum, a dolo excusare credatur, sapissime effectum destituuntur ea, quae de multa insignenda notauimus. Praecipue tandem IMPERATOR petitorium et possessorium in diuersis iudiciis ventilandum non concedit, quum hic vel ma-

C

xime

q) *Praelection. ad Cod. sub l. lege.*

r) *de Process. lib. III. cap. 2. num. 3.*

xime connexa causa agatur, et hoc solum illud antecedit. Quod disquisitionem terminorum possessionis et principalis quaestionis in lege obuiorum criticam spectat, vix habeo quod GOTHOFREDI obseruationibus addam: in rem ipsam vero et fundamentum eiusdem, connexitatem praecipue concernens, hic vltius excurrendi, et ordinis et instituti ratio haud permittit; hinc intactum illud specialiori disquisitioni, nunc de identitate modo differentes, seruiabimus.

## §. VI.

Probatio the-  
seos ex pari-  
tate ratio-  
num in qui-  
busuis action.  
real.

Haecenus de fundamento legali quod illimitato tenore forum continentiae causarum in aliis quoque actionibus realibus praeter hereditatis petitionem fundatum esse docet. Huic iungenda est generalitas rationum fori huius, quas §. II. sup. peditaui, quod nempe ad quasunque actiones reales tendant, metus contrarietatis sententiarum a diuersis iudicibus dicendarum, difficultas probationum et multitudo sumtuum in plures lites erogandorum. Frustra etiam quaesueris legis specialiter hereditatis mentionem iniicientes. Ac si quae forsitan in Digestis obuia animaduerti videantur, inde tamen minime censuerim rem esse conficiendam: quum recentiori aetate longe alia introducta sint principia de actionibus realibus, quam antiquorum Ictorum, ex quorum scriptis Pandectae sunt compilatae, obtinuerunt tempore. Etenim VALENTINIANVS demum, THEODOSIVS ET ARCADIVS *lege 3. C. ubi in rem actia* forum rei sitae in actionibus realibus indistincte stabiliuerunt. Quin et ex VALERII ET GALLIENI constitutione, quae habetur *l. vn. C. ubi de hereditate*, ne in hereditate quidem, si de iure hereditario ipso, non de possessione rerum hereditariarum, agatur, forum rei sitae, sed potius forum domicilii eius, qui res hereditarias possidet, est competens: vti quoque frustra ad hanc *l. vn. C. ubi de hered.* prouocant probaturi, quod in foro domicilii defuncti quaestio de hereditate sit ventilanda. En ergo iusta fundamenta, quibus facillimo utique negotio distinctam ad quasunque actionum realium species superstruxeris adplicationem, quam si subnecterem, non

VANO

vano sane angerer dubio, num ne frequenti eorundem principiorum repetitione crambem bis coctam apponere, taediumque legentium excitans eorum patientia abusus viderer.

## §. VII.

Liquet ex §. II. identitatem causarum subesse, si plures personae ex eodem negotio conueniantur. Siquidem hoc deduci poterit ex rationibus, quastum cit. §. II. tum §. VI. tradidi, et quas Ictis pragmaticis plerumque communi nomine plurium processum euitandorum venire intelligimus ex BRVNEMANNO. s) Parum oportune vero textus ex iure ciuili ad ostendendum huius doctrinae usum in casibus singularibus arcescere mihi videntur interpretes. Scilicet conficere deberent causam fundamenta legalia ex iure recentiori, Codice nempe et Nouellis, desumpta propter principia, quae abunde §. V. et VI. exposuimus, de inutata post Iureconsultorum, ex quibus collectae sunt Pandectae, aeuum iudiciorum Romanorum forma et qualitate. Sed in vtraque compilatione deficiunt constitutiones specialia de foro continentiae causarum ita sancientes, vt pluribus personis ex eodem negotio conuentis illud sit attendendum. Quamquam enim DIONYS. GOTHOFREDVS t) pro euincenda fori istius competentia, si res sit cum correis debendi, prouocet ad *Nouell. XCVI.* valde tamen in eo labitur, quum legis huius longe aliud plane sit argumentum, ita nimirum vt *capite 1.* iniungatur actori necessitas cauendi de lite intra duos menses contestanda, *cap. 2.* autem reconventionis et inde dependentis connexitatis causarum natura indigitetur. Quod contra ad *l. 5. C. arbitr. tutel.* pertinet, vnde inferunt, identitatem causarum adesse, ideoque forum speciale hinc oriundum obtinere, quotiescunque lis aduersus plures tutores suscipitur, ante omnia in tempus conditae sanctionis, dein quoque in verba eius erit inquirendum. Natales legis quaerendi sunt in saeculi tertii ex aera Christianorum priori parte, ceu ex inscriptione IMP. GORDIANVS A. *Victorino* atque ex verbis *Pio et Pontiano Coss.*

Identitas causar. intuitu plurium reorum ex eod. negotio obligatorum. Affirmat. ex paritate rationum. Defectus textuum iur. ciu. in genere notatur.

Excussio textuum specialium obnotor. *Nouellae XCVI.*

legis §. C. arbitr. tutel.

C 2

quo-

s) ad l. 2. D. de quib. caus. ad eund. indic. eat. n. 5.

t) ad l. 5. C. arbitr. tutel.

quorum subscriptio mentionem facit, euidentis est: qua aetate adhuc vigerunt principia in digestis obuia; siquidem nonnulli ICTORUM antiquorum, qui ius vetus delinearunt, GORDIANI fuerunt *συγγενος*. Senteris exinde, constitutionem hanc secundum vetusta aestimandam esse iuris praecepta. Hoc si perpendamus momentum, haud difficulter ipsum textus assequemur tenorem, quem sequenti explicandum esse reor modo. Addicebantur seu dabantur iudices pedanei, uti Romae a Praetore, ita pariter in prouinciis a Praefide, quorum impetratio et addictio adhuc GORDIANI aevo in foris necessaria erat, nec, post conamina DIOCLETIANI ET MAXIMIANI, ante THEODOSIVM ET VALENTINIANVM in totum cessauit, qui AVGG. impetrationes et formulas actionum per *legem 2. C. de form. et impetrat. sublat.* abrogarunt, prout eleganter docet GER. NOODT. u) Hinc inaprico erit, legislatorem de iudice a Praefide prouinciae dando verba facientem ad iudices pedaneos respexisse. Quis ergo Caesareae subnotationis VICTORINI precibus, uti conicio, subnexae erit sensus? Verba rescripti sic habentur concepta: *Omnes tutores, seu heredes eorum, qui administrauerunt tutelam, ad eundem iudicem ire debere, iam pridem constitutum est. Cum igitur patrem tuum cum alio tutelam administrasse alleget: praeses prouinciae eundem iudicem aduersus te atque heredes contutorum patris tui dare debet, quatenus quisque condemnari debeat, exanimaturum.* Haud opus erit operosa explicatione verba legis torquere, dum Caesaris mens inde sponte fluit, quam ita cape. VICTORINVS ex tutela, quam pater eius gesserat, conuentus exceptione plurium consortium tutum se esse allegat, ideo, quod contutores gerentes patri eius fuerint, quorum heredes superstites esse aditruit, hosque eam ob causam simul in ius vocandos, aut, si nostro dicendi genere, quale forenses callent, rem esseras, additandos contendit. Ne vero contrariarum sententiarum metus suboriat, si diuersi iudices pedanei notione causae fungantur, GORDIANVS VICTORINI libello supplici adnuens praecipit praefidi, ut omnibus

reis

u) de iurisdic. et imper. Lib. I. c. 15.

reis, tam illi principali, quam his, quos simul citandos decernit, idem addicatur iudex pedaneus. Non ergo hic subnata erat quaestio, vtrum plures tutores diuersis iudicibus parentes ad commune superius tribunal sint vocandi, de quo sermo est iureconsultis continentiam causarum ex identitate posita visione de pluribus contutoribus rei euincere studentibus. Nec omittendum, verba legis initialia relatiua esse ad aliam constitutionem iam pridem in Rep. Romana latam neque ibidem incognitam. Quae autem est illa? Absque villo dubio haec accipienda sunt de rescriptis principum hanc in rem emissis, quae laudat PAPINIANVS in *leg. 2. D. de quib. reb. ad eund. iud. eat.* qui ICTus ibi simul perhibet argumenta constitutionum principalium. Quum igitur referat se GORDIANVS ad leges antiquiores, quarum dispositionem dicta *l. 2.* in summam coniecit ICTus: legem Codicis pro referente, legem Digestorum ex aduerso pro relato accipiamus, necesse est. Quam ob rem, quum dialectices principia edocti norint, referens absque relato parum commode intelligi posse, nec inde illud absque hoc ad probandum assertum quoddam sufficere: genuinum *d. l. 2. D. de quib. caus. ad eund.* significatum enucleare apprime censui utile; praesertim quoniam et haec par subiit fatum cum *L. 5. C. arbitr. tutel.* et ab interpretibus ad forum continentiae causarum aduersus plures tutores deducendum in medium solet proferri. Ecce igitur PAPINIANVM ita fermocinantem: *Cum ex pluribus tutoribus vnus, quod caeteri non sint idonei, conuenitur: postulante eo omnes ad eundem iudicem mittuntur: et hoc rescriptis principum continetur.* Neutiquam opus est, vt Argo oculatiorem fingamus, qui perspiciat, id solum curae habuisse ICTum, vt exceptionis plurium litis consortium tam vsum legitimum inter contutores quam effectum eiusdem designet. Hunc posteriorem in eo consistere tradit, quod confortes litis, quos adcitatos vulgo adpellamus, ad eundem iudicem sint mittendi, cui notio causae iam ante propositam exceptionem est demandata, quod iuxta rationem loquendi tunc temporis vsitatam denotat iudicem pedaneum,

legis i. D.  
cod.

neum, aut, si nondum addictus sit iudex talis eo momento, quo allegata exceptio, consortes iurgii simul cum actore et reo de eodem iudice pedaneo debeant consentire. Lubenter ergo fateor, me plane fugere, quo litigio PHILIBERTVS BVGNONIVS, x) et SIMON A GROENEWEGEN, y) inuicem disceptent de vsu vel non vsu huius pariter textus ac *legis i. D. cod.* quum vterque secundum communem sententiam leges acceperit eo sensu, quem nec PAPINIANO nec POMONIO congruum deprehendimus: uti pari dignus est censura FRANCISCVS ZYPAEVS z) qui totus in eo fuit, ut conatu caeteroquin haud irrita harum legum adplicationem in foro Belgico ostenderet, quum et hic a recta via in interpretando declinans vulgari incesserit tramite. Quo magis lucem his asseram simulque in coeptis persistam, exigit officium, ut POMPONII quoque effatum in *leg. i. D. de quib. reb. ad. eund.* paucis illustrem. In hoc enim textu vulgo asserunt fundari forum continentiae ex identitate causarum aduersus plures coheredes, quod tamen alto praeteritum esse silentio, vel plana eiusdem satis superque demonstrant verba: *Si inter plures, inquit ICtus, familiae herciscundae agatur, et inter eosdem communi diuidendo aut finem regundorum, eundem iudicem sumendum, praeterea quo facilius coire coheredes, vel socii possint, in eundem locum omnium praesentiam fieri oportet.* Nullatenus id agit POMPONIVS, ut forum superius commune coheredum diuersis iudicibus submisponat, prout COSTALIVS, a) cum Criticis et Pragmaticis tantum non omnibus sibi persuadet: sed in eo laborauit, ut exponat, qua ratione tractandae sint lites plurium actorum, qui iudiciis in *textu* commemoratis experiuntur, quippe quos

x) de LL. abrogat. et inuscat. in Francia lib. I.

y) de LL. abrog. et inuscat. in Belg. ad tit. de quib. caus. ad eund.

z) in notis iur. Belgic. cod. tit.

a) aduersar. ad ff. cod. tit.

quos ad eundem iudicem pedaneum, qualis vel forte ex una exierat, vel a Praetore partibus commendatus, vel a quodam ex litigantibus oblatu erat, sumendum teneri tradit; qua de causa eorum omnium exigit conuentum coram tribunali aut Praetoris aut Praesidis aut etiam legati, immo in genere eius qui potestate dandi iudicem pedaneum pollebat. Hinc parum accurate intelligitur sententia Icti de foro continentiae causarum, quod, quale nostra fora agnoscant, §. II. delineauit. Haud omittendum reor, BRUNNEMANNVM vix subscripsisse vulgari vtriusque legis explicationi *D. de quib. caus. ad eund. iud. cat.* quamuis subobscurè mentem suam declararit, nec distinctionem inter Praetorem et iudicem pedaneum, quam POMPONIVS aequè ac PAPINIANVS respexit, satis curauerit. Postulat instituti ratio, ut eas pariter Digestorum leges sollicite magis dispiciam, quae forum continentiae causarum formare creduntur, quando plures domini seruum simul vindicant, ita ut partiarium dominium sibi competere adstruant. Verum ipsa haec positio, quam ex *l. 8. et 9. D. de liber. caus.* efficiunt, abunde indicat, hunc casum minime comprehendendi sub termino continentiae causae, quum non plures rei sed plures ad sint actores. Ne tamen temere ita sensisse arguar, bigam textuum sub iustum reuocabo examen, quamuis in multis praecedentia monita hac etiam occasione sint consideranda. *Legis 8. enim D. de liber. caus. §us 1.* sic se habet: *si plures sibi dominium serui vindicant dicentes esse communem: ad eundem iudicem mittendi erunt, et ita Senatus censuit; caeterum si unusquisque suum esse insolidum, non in partem dicat: cessat Senatusconsultum, neque enim timor est ne varie iudicetur: cum unusquisque solidum dominium sibi vindicet.* Quis quaeso ex hac VELPIANI oratione deduxerit, plures reos ad iudicem communem, proxime superiorem esse vocandos. Diserte profecto loquitur de vindicatione vnius eiusdemque serui, et plures actores adesse supponit actionem praepiudicalem negatiuam de liberali causa aduersus eum instituentes: inde argumentatur, ineptum fore, diversos

legis 8. de  
liberal. caus.

verfos iudices (pedaneos puta) dare, quorum alter reum liberum, alter contra servum sit declaraturus. Indicat mentem suam adiecta ratione, quam in eo ipso, quod iamiam retuli, positam esse, verba: *timor est, ne varie iudicetur*, abunde produnt. Inde posteriori casu, quem *hoc § pbo* ICTus refert, si plures solidum eiusdem servi dominium ad se spectare contendant, deficit hoc fundamentum: quia non obstante sententia absolutoria alius iudicis intuitu alterius actoris iuste nihilominus potest pronunciari servus ab alio iudice respectu alterius vindicantis. Nihil igitur probat lex haecce, nisi quod ratio ibi allegata quoque stringat, si aduersus plures reos eadem actione experiri velit actor, modo sit causa re vera eadem: de quo tamen ratiocinio vix cogitarunt legitimae scientiae oracula, quibus omnibus ferme de foro continentiae causarum ex idenditate in actione praeiudiciali de liberali causa conuenit, quod an ex inspiratione, an ex conspiratione factum sit, mihi certe nondum liquet. Ast praesidium forte inuenerint in *seq. l. 9. D. eod.* Oleum sane et operam perditurus mihi non videor, si et hoc aggressus fuero munimentum. Si pariter aduersus eum, ait CAIVS, qui de libertate litigat, consistant usufructuarius et proprietarius, fieri potest, ut alteruter absit. Quo casu an praesenti soli permissurus sit praetor, aduersus eum agere, dubitari potest: quia non debet alterius collusionem aut inertia alterius ius corrumpi. Sed rectius dicitur etiam alterutri eorum permittendum agere, ut alterius ius incorruptum maneat. Quod si adhuc nondum finito iudicio supervenerit, ad eundem iudicem mittetur: nisi si iustam causam adferat, quare ad eum mitti non debeat: forte si eum iudicem sibi inimicum esse adfirmet. Iterum et huic iurisperito fermo nullatenus est de diuersis reis, verum de pluribus actoribus: neque coram iudice communi superiori iurgium terminari docet; sed iudicem pedaneum a Praetore datum intelligi, nemo non ex claro legis tenore perspicit. Quo dein visionem, quam ICTus respexit, ita ob oculos ponamus, uti eam ipsam in lege reperimus, incum est, notare, de interuen-

legis 9. D.  
eod.



uentione verba fieri liteque pendente, atque idcirco nihil aliud statuitur, quam quod alias de interuentione obtinet, vbi scilicet interueniens ius suum in eo foro exponit, in quod causa iam pridem ab aëore est deducta. Adplicat solummodo regulam hanc generalem C A I V S ad iudicem pedaneum, cui Praetor notionem causae aduersus seruum, qui libertatem vsurpat, propositae commisit: quo scilicet casu communis adhuc stringit de interuentione adlata ratio. Nihil aliud quam interuentionem in textu designari, ex toto antecedentium et subsequen-  
tium ordine luculenter conspicitur. Sub initium nempe definitur, an inscio vsufructuario proprietarius, et inuersa ratione absque notitia proprietarii vsufructuarius de libertate cum homine, quem seruum asserunt, iudicalem recte ordiatur confictum: ne scilicet in alterum eorum, si non consenserit in litem suscipiendam, per consequentiam redundet effectus sententiae aduersus alterum latae, et reus pariter victor existens tutus sit. Vterius autem decidit I C T U S quaestionem, quid agendum sit alteri superuenienti eo tempore, quo adhuc agitur lis in iudicio. Declarat breuibis, hinc non separatam instituendam esse actionem, sed sufficere, si priori disceptationi interueniendo accedat: quo posito necesse est, vt ad eundem pedaneum eat iudicem. Subnectit simul limitationem, si iudex principale iurgium cognoscens ei suspectus sit ex capite inimicitiae, quo contingente cum reculare permittitur. Non itaque licet eiusmodi interuenienti absque vlla adiecta ratione solis istis formulis sollempnibus: *Hunc nolo, hunc eiuro, iniquus est, bona signi parum intelligit* eximere se notioni iudicis, qui semel vtriusque consensu litigatoris erat comprobatus et a praetore addictus: sed necesse erat secundum C A T I mentem, vt inimicitiam cum iudice huiusque exinde deducendam inhabilitatem specialiter commonstret. Id, quod iuxta explicationem hactenus suppeditatam *principium hui. leg.* intuitu proprietarii et vsufructuarii attendi vult, ex identitate rationis obtinere traditur in §. 1. et 2. eiusd. leg. si plures dicantur proprietarii, quorum vnus reliquis absentibus illum, quem communem seruum

D

esse

esse putant, in ius vocarit. Longe distinctiorem certe reddit suam respondens Ictus praesenti casu sententiam de interuentione, ac antea factum fuisse obseruauimus. *Idem*, pergit, *dicemus*, et si duo pluresue domini dicantur, et quidam praesto sint, quidam aberint. Vnde in viroque casu dispiciamus, an si is, qui prior egerit victus sit, prosit ei, quod posterior vicerit, vel contra? id est, ut cum omnino alteruter vicerit, prosit etiam alteri, sicut prodest heredi liberti, quod in fraudem patroni serui manumissi sint. Si cui placeat prodesse, consequens est, ut cum idem petat, exceptione rei iudicatae obiciatur replicatio: si vero cui placeat non prodesse, is habebit sequentem dubitationem, verum id, in quo quis victus est, nullius erit: an eius esse debeat, cum quo actum sit; an potius eius, qui vicerit: sc. ut utilis actio detur ei, qui vicerit, minime autem praeter pati debeat, ut pro parte quis seruus sit. Late hucusque ostendi, nullam omnium legum, ad quas pro euincenda necessitate fori continentiae causarum ex identitate contra plures reos diuersis iudiciis subiectos referre se solent commentatores, in id esse latas, quod inde extorquent. Generatim tantum addo, regulam: actor sequitur forum rei, his omnibus intelligendis egregie inferuire, quae, quum *leg. 3. C. vbi in rem* tandem vniuersaliter firmata sit, antea in peculiatibus casibus diuersimode fuit stabilita. Caeterum nullus inficior, rationes quae Ictis aequae ac Principibus in causa fuerunt effatorum, in quae *hoc §.* inquisui, aliquando quoque suppetere, vbi vno iudicio aduersus plures reos ex eodem negotio est experiundum. Sed has etiam rationes subesse fateremur, si omnes hae constitutiones deficerent, nempe post *l. 10. C. de Iud.* cuius cautio longe distinctior est, cuiusque verba longe latius patent textibus his allegatis. Praesertim ex legibus citatis duci poterit argumentum ad forum continentiae causarum in concursu creditorum, vbi plures actores aduersus eundem reum insurgunt, quin et circa idem obiectum mouetur controuersia. Distinctius vero explananda est materia de concursu creditorum, quumque maximam partem redeat ad prin-

obseruat. ge-  
nerales ad  
omnes hos  
textus

vitior ar-  
gumenti de-  
ductio.

principia de interuentione, forum autem interuenientium, quod ex continentia causae aestimandum iudicant, ad connexitatem potius quam ad identitatem causarum spectet: disquisitionis talis ulterior ad aliam tractationem, ubi connexitas causae exponenda, merito erit remittenda.

## §. VIII.

Reddita §§is *praecc.* explicatione iuxta axiomatis primi exit ordinis ratio, ut ad secundum axioma §. III. traditum progrediamur. Docet illud, non in prima solum, sed in secunda quoque instantia forum continentiae causarum usum habere insignem. Abluderem omnino a scopo, si in affectiones processus appellatorii repraesentandas diuagarer, quum haec illis, qui practiciis thematibus perpendendis operam nauant, vix possint latere. Ipsa ergo momenta, quae ad nostrum proxime faciunt finem, pensasse sufficiet. Primarium enim fori continentiae causarum fundamentum, metus nempe contrariarum de eadem litalarum sententiarum, ad secundam aequae ac ad primam quadrat instantiam: quin difficultas quoque probationum eatenus, quatenus illae interposito adhuc admittuntur remedio, non seiungenda est: ut multitudinem sumtuum silentio praeterueham. Hinc est, quod in secunda instantia, non aduersus plures tantum reos, aut propter rem diuersis iudicibus subditam, foro huic dandus sit locus: verum inter illos litigatores, qui in priori instantia actoris et rei vices sustinuerunt, idem poterit obtinere. Perspexeris ex hoc axioma atque declaratione eiusdem, non in cerebro tantum pragmaticorum enatum esse regulam, quod adpellatione ab vno, leuatione vero, ceu vocatur, aut alio simili remedio suspensiuo ab altero litigatore, interpositis causa nihilofecius ad superiorem deuoluatur, atque illius grauamina, qui remedio suspensiuo usus est, pari modo in tribunali tractanda et diiudicanda sint superiori. Adferendum potius, ipsam processus indolem atque genuinam identitatis causarum notionem id indicare. Vix

Axiom. II.  
vsi fori continent. causar.  
in secund. &  
adpellat. instantia

vniversalitas  
rationum

applicatio ad  
casus speciales

porro praetermittendum reor, obseruandum esse, quod ex identitate causarum regula ista etiam sit deducenda, licet vnus ideique sententiae grauantis articulus ab vtroque, adpellante nimirum et eo, qui suspensiuo remedio vsus, non impugnetur, sed diuersis partes laesas sese existiment momentis. Etenim non officit vnitati causae diuersitas punctorum, in quae resoluitur: quae obseruatio vti in prima instantia infinitis docentibus exemplis locum habet, ita nec video, cur negligenda sit in secunda instantia. Caue autem, arbitreris, tunc solummodo forum continentiae causarum in secunda instantia adesse, quando alter ad iudicem superiorem prouocat, alter ex aduerso coram eodem iudice, qui sententiam tulit, rem vltius ventilandam cupiat, siue interposita leuiteratione, siue supplicando, restitutionem in integrum aut reuisionem impetrando, siue de nullitate querendo: quum ad idem forum quoque pertineat casus, quo vterque iudicem priori superiorem, quorum alter immediate, alter mediate superior est, adpellarit. Regulariter quidem non licet grauamen exponere coram iudice mediate superiore ea ratione, vt praetereat prouocans iudicem intermedium: sed exceptio subest in Pontifice Maximo, qui adpellari potest a subdito dioeceseos episcopalis, quamuis causa coram vicario seu officiaii episcopi ante non sit tractata, ideo quoniam Papa ordinarius est omnium ordinariorum, et concurrenti cum episcopis per singulas dioeceses gaudet iurisdictione. Si vero iudex adpellatus vterque aequae superior sit, respiciendum omnino erit ad id, vtrum alteruter eminentior censeatur altero, quo contingente ad illum, qui dignitate vel auctoritate eminet, causa deuoluitur. Ita sane res se habet, quando alter ad iudicium ecclesiasticum, vtpote ad officialem, alter ad saecularem v. g. ad regimen seu dicasterium prouinciale prouocauit: vbi nimirum ecclesiastico primae debentur cognitori. Hoc pariter deficiente discrimine, ac vtroque iudice aequalibus instructo iuribus, ad praeventionem erit attendendum, quum alia emergendi via haud detur, nec illam ignoremus in prima instantia.

stantia. Haec posteriora vero momenta, de iudiciis pluribus aequalibus, magis referenda essent ad connexitatem quam identitatem causarum, quum eandem in illis deprehendamus rationem, ob quam in prima forum connexitatis causarum adstruimus instantia, iudicium puta ecclesiasticum saeculari dignius, atque praeventionem. Imo ex §. II. constat, identitatem causarum requirere forum commune superius: quod secus est in connexitate, nec in his, quas posui, visionibus eiusmodi forum adeunt litigatores. Mitto itaque in praesentiarum specialem istorum capitum discussionem, quam alii specimini connexitatem causarum explanaturo iure debeo potiori.

## §. IX.

Excipit axioma tertium §. III. propositum, quod foro continentiae causarum propter identitatem locus haud sit dandus, si incommodis, quae notauimus, et quae fundamentum eius fori efficiunt, alia ratione possit praecaveri, scilicet per actionem in foro ordinario edendam. Inficias enim ire nequimus, nonnullas quoque foro continentiae causarum adnexas esse difficultates, quas si rite pensitaueris, non poteris non intelligere, restringendum potius quam extendendum esse eiusdem usum. Scilicet excidit reus ad iudicium superius statim vocatus prima instantia. Maiores dein in plerisque locis sunt erogandi sumtus in lites, quae in dicasteriis superioribus ventilantur, quam illae requirunt causae, quae in iudiciis expediuntur inferioribus. Immo non minimi est momenti impedimentum celeritatis processus inde oriundum, quod longe difficilius sit litigium in distitis locis, ubi dicasteria prouincialia aguntur, contentione in iudicio eiusdem, ubi reus degit, oppidi, praefecturae vel pagi tractanda. Studendum igitur est his aequae ac scissioni causae eiusdem euitandis. Praecaveri autem omnibus istis variis poterit modis: quorum alii regulis prudentiae magis erunt adnumerandi, alii ex ipsis iuris regulis sunt deducendi. Prudenti utique consilio quandoque Principi offeruntur preces, quo alteri iudicium inferiorum

Axiom. III.  
defectus fori  
huius si incommoda  
illud causantia  
aliter possint euitari  
ex regulis

prudentiae  
per commissarios

ex regulis iuris per forum domicilii.

cognitionem causae tamquam commissario manderet. Nobis vero in praesentiarum rationem potius ineundam esse censeo eorum, quae iura ipsa indicant, momentorum, quam regularum consilii, illaque existimari debent ex natura fori continentiae causarum. Labitur autem FRIDERVS b) in eo, quod foro huic vindicet locum, quotiescunque competit eadem actio de rebus sub iudicum iurisdictione sitis diuersorum, nec discrimen statuit inter eos casus, quibus exiure in re, et in illis, ubi ex obligationibus personalibus agitur. Generali enim eiusmodi axiomate efformato omisit vera fori huius fundamenta. Siquidem actiones personales, quibus res petuntur, haud proponendae sunt in foro rei sitae, sed in foro domicilii rei, aut in eo, cui conueniendus vi privilegii subest. Restrungenda itaque esset thesis FRIDERI ad eas actiones personales, quae in foro domicilii commode nequeunt ventilari. Quodsi inde actione emti; locati conducti, pignoratitia, similiae in personam competente experiatur actor pro adipiscenda re sub iudicibus pluribus sita, minime gentium ad commune forum proxime superius patet aditus: sed coram iudice, sub quo persona rei constituta, instituendum est iurgium. Cessant profecto his casibus rationes stabiliti specialis fori ob continentiam causarum, quum eodem iudice cognoscente ac decidente impossibilis sit contrarietas sententiarum, nec multitudo expensarum, nec etiam difficultas probationum diuersim suscipiendarum, hunc tendant. Non obstat executio vel in totum vel pro parte per alium iudicem facienda, prout nempe vel nulla plane vel aliqua tantum obiecti litis pars iudici subest domicilii. Quam frequentissime scilicet contingit in actionibus personalibus, ut intercedente requisitione subsidia-ria alius iudicis, qui cognoscendae liti haud vacauit, procedat executio, c) adeoque ex adducta FRIDERI aliorumque eidem adhaerentium opinione inconueniens istud promanaret, quod nullae

b) *de continent caus.* L. III. c. 3. n. 26.

c) CARPZOV, L. II. *Resp.* XVIII. n. 14. sqq. VMMIVS *ad process. disp.* 4. thes. IV. n. 20.

nullae actiones personales in foro domicilii, sed omnes in foro rei sitae debeant proponi. His certo fundamentis superstruxit responsum ILLVSTRIS IVRECONSVLTORVM in hac Academia ORDO interprete Praefidis DNO PARENTE, cuius ex schedis Praefes mihi retulit casum, de quo tunc subnata erat quaestio, quem quoque ex facti specie ita cape. Hat E. A. sen. zu K. am 10ten Novembr. 1732. sem Hausß, Hoff, Scheune und andere Gebäude im Dorfe etc. sodann 5. Acker Feld im K. Flubre unter den Adl. G. Gerichten vor 450. fl. ferner 7. Acker Feld im M. Flubre unter des Hochfürstl. Creysß-Amis E. iurisdiction auch vor 450. fl. also zusammen vor 900. fl. seinem Sohn E. A. jun. zu K. verkauft etc. Wann dann Verkäufer sich nachgebends hierdurch enormiter laediret befunden; sem dieserhalb ihm zustehendes ius agendi seiner Tochter Marien gebornen A. Peter H. zu M. Ehefrau cediret, und diese wieder gedachten ibren Bruder derothalben bey dem Hochfürstl. Hochtbl. Hoffgerichte Klage erhoben, so ist daselbst erkannt worden:

daß die querela laesionis enormis nicht bey dem Hoffgerichte, sondern in prima instantia statt haben und Klegerin, als desselben Constituentin, noch darzu dem Beklagten die Vnkosten restituiren solle.

Weit aber Derselbe Klegerin in beyden punctis graviret zu seyn erachtet, und derowegen von solcher Sentenz appelliret: als begehret Derselbe

ob auf die eingelegte adpellation Er einer reformatoriae sich zu geirösten habe?

des Rechten belehret zu seyn.

Expositis rationibus dubitandi et decidendi fluxit demum conclusio:

So sind wir der unverfenglichen Meynung:

daß derselbe auf die eingelegte appellation, anlangend das erstere grauamen de competentia fori zwar nicht sententiam reformatariam, wohl aber dieselbe quoad alterum grauamen die restitutionem expensarum betreffend zu hoffen habe. V. R. W.

Silen-

obseruat. 1.  
de ficta con-  
tinent caus.  
propter acti-  
ones person.  
plures contra  
eundem  
reum.

Silentio demum transire non potero, quod adoptata FRIDERI opinione vix vilis superesset vsus fori contractus. Non desunt quidem Icti, qui fori vsum continentiae causarum eatenus adstruunt, si aduersus eundem reum plures competant actiones personales, quibus adstipulari videtur REGNERI AB OOSTERGA d) adducto hunc in finem cap. 43. X. de rescriptis. Hos autem parum recte in interpretando hoc textu esse versatos, accuratior huius inspectio euincet. Haec nimirum sunt verba GREGORII IX. in dict. cap. Quia nonnulli diuersis modis literis Apostolicis abutuntur, statuimus, ut quicumque obtentas sub nomine suo literas aliis eiusdem nominis tradunt, qui, quos volunt, fatigant indebite per easdem, et qui eas tali modo recipiunt, quique illos, contra quos nihil habent quaestionis, faciunt in iudicium euocari: aut literas ipsas ad futuras trahunt controuersias, quae nondum fuere tempore impetrationis exortae, seu quemquam super vno negotio, vel etiam malitiose super pluribus personalibus actionibus, quae sub vno iudice possent tractari commodius, per varias literas coram diuersis iudicibus trahunt, ut laboribus fatigatus et sumptibus vel compellatur componere vel cedere iuri suo: aut reus actorem eodem tempore ad diuersa loca, vel indeterminate ad villam, quae commune cum pluribus eiusdem prouinciae villis habet vocabulum, citari procurat, ait, dum non comparuerit, excommunicetur, quasi contumax et sic eum a sua intentione repellat: earundem literarum commodo careat, et aduersarius in moderatis expensis ac damnis, quae propter hoc eos periculisse constiterit, condemnentur. Mentem Papae, qua decretalem hanc condidit, vel attenta verborum textus consideratio satis docet. Obuiam iuit Pontifex variis modis abutendi rescriptis, quae curia Romana largiebatur: qua de re nonnulla rescripta pro sub- et obreptitie impetratis haberi; indeque effectum carere praecipit, atque eos, qui molestos aliis sese praebuerunt fiducia eiusmodi sub- et obreptitorum rescriptorum, ad refarciendum adigi iubet damnum. Quo melius vero inter iudices constet de rescriptis, quae legislator atten-

d) *Constr. Belg. ad Digest. lib. XI. tit. 2.*



attendi prohibet, notantur praecipui quidam abusus. Inter hos non leuissimum iudicatur illud genus, quo quis rescriptum papale ad id sibi concedi curat, quo eundem rem ob eandem rem, vel etiam propter plura debita personalia coram diuersis conuenire possit iudicibus. Hancce improbens nequitiam GREGORIUS IX. in eo saltim laborauit, vt regulam generalem, quod actor sequatur forum rei, magis firmet: et inprimis dispositio haec obesse videtur abusui fori contractus, qui huc maxime facit, quum saepissime reus modo praetextu fori ordinarii, modo obtentu fori contractus, ad diuersa calumniose vocetur ab actore iudicia. Frustra ergo hic quaesueris praesidium fori continentiae causarum in personalibus litigiis, vbi nec de foro communi proxime superiori, nec de obiecto actionis diuersorum iudicum iurisdictioni subiacente, nec denum de pluribus reis ex eodem negotio obligatis sermo factus. Satis, quantum summorum, quibus circumscripti sumus, cancelli sinunt principiorum, actum est de restringendo foro identitatis causarum in actionibus personalibus. Id solum reliquum est, vt animaduertamus, huic foro non absolute locum esse vindicandum in actionibus realibus. Etenim in l. 3. C. vbi in rem actio, qua forum rei sitae quoad omnes firmatur causas reales, idem tamen priuatiue haud est introductum, sed ab actoris prudenti pendet consilio; in quonam iudicio satius ducat ius suum persequi. Egregie observationem modo traditam illustrant rationes decidendi, quas ante aliquot annos adiecit ILLVSTRIS ORDO IVRIDICVS in hac Academia sententiae conceptae in causa L. B. Freyherrn von O. zu O. contra I. D. H. praesectum ducalem A. in puncto turbatae iurisdictionis, vbi inter alia haec nostro inseruiunt vsui. Daneben bekannten Rechten nach das forum domicilii, welches in Ansehung des Müllers als damaligen Beklagten das Amt A. ist, tanquam forum generale in actionibus quoque realibus, nisi de nudo facto immisionis agatur, welches sich gegenwartig nicht ereignet, fundiret und cum foro rei sitae concurrirret, also electio eius penes actorem est l. 66. in fin. D. ad SCR. Trebell. l. 2. §. 31.

obseruat. 2.  
de vsu fori  
domicilii in  
actionibus  
real.

E

D:

*D. ne quid in loc. publ. l. 1. pr. D. de hered. instit. l. 19. D. de aur. argent. legato. COCCEII de fund. in territ. potest. tit. 4. §. 5. sqq. BOEHMERVS Introd. in ius digest. L. V. T. I. n. 24.*

## §. X.

**Axiom. IV.**  
defectus fori,  
si pacto aliud  
statutum

vt si certo lo-  
co aliquid da-  
re oporteat.

Pergo in ostendenda restrictione fori continentiae cau-  
sarum propter identitatem, eumque in finem tendit porro  
axioma quartum §. III. adlatum, quod nempe frustra ad hoc  
forum recurratur, si pacto aliud sit statutum, id est si scissionem  
vnius eiusdemque obligationis contrahentium inducat con-  
uentio. Sed plerumque actio personalis illis competit, quae  
in foro domicilii debitoris exponenda, non autem in foro  
communi superiori. Facillime regulam applicaueris ad ca-  
sum, ubi certo loco dari quid oportet, quando copulatiue va-  
ria sint adiecta loca. Tunc enim in quouis horum locorum  
pro parte petendum est debitum, prout verbis *l. 2. §. 4. D. de  
eo quod certo loco expressis* cautum, quae hac sonant ratione:  
*si quis ita stipulatur, Ephefi et Capuae: hoc ait, vt Ephefi partem,  
et Capuae partem petat.* Quamuis igitur vterque locus vni  
eideique mediate subsit dicasterio provinciali, atque diuer-  
sis tantummodo pareat praefecturis vel oppidorum praetori-  
bus: nihilominus ad commune istud iudicium superius adi-  
tus haud patet actori. Quin si morosum sese perhibeat debi-  
tor, creditori ius nascitur conueniendi eum in foro domici-  
lii: cuius tamen argumenti prolixiorum tractationem, quum  
proxime ad nostrum haud spectet thema, non inique omit-  
to; quum et horum, qui digestorum iura delinearunt, non-  
nulli satis accurate illud explant.

## §. XI.

**Axiom. V** vi-  
tandum praes-  
iudicium pri-  
oris instantiae  
in genere

Ex iis, quae pro axiomatibus III. et IV. dilucidandis  
§. IX. et X. monui, satis simul perpexeris axioma V. quod  
§. III. complectitur, quod scilicet forum continentiae cau-  
sarum: fraudem primae instantiae neutiquam debeat cedere.

Inter

Inter omnes profecto controuersias, quae in foro aguntur, in-  
 rentis dispicientes oculis constat, tum alteram partium litigan-  
 tium haud raro pro lite difficiliore reddenda, vel etiam ad in-  
 teruertenda iudicis inferioris iura, quouis praetextu superio-  
 ribus supplicem fieri tribunalibus: tum pariter iudices superio-  
 res ipsos inferiorum potestati quandoque iusto plus dimi-  
 nuendae et restringendae studere; vti nec desunt ex his poste-  
 rioribus, qui superiorum auctoritati quacunq[ue] obesse nitun-  
 tur ratione. Hi inferiores iudices autem superiorum numine  
 facilius redigi possunt in viam, a qua deflectere sunt ausi.  
 Opus itaque magis est, vt regulas eum in finem ponamus, ne  
 detrahatur iurisdictioni magistratuum inferiorum: ad quem  
 finem consequendum ea, quae §§. *praecc.* proposuimus, ad-  
 modum faciunt. Causas certe, quibus ad implorandos magi-  
 stratus eminentiores nonnunquam mouentur litium iniusta-  
 rum auctores, ex illis coniciendas existimo, quae *Spho VIII.*  
 tradita sunt de restringendo continentiae causarum ad specia-  
 le forum efficiendum vsu, si alia ratione incommotis, quae  
 in causa stabiliendi huius fori fuerunt, obuiam possit iri. Ca-  
 ue autem, arbitreris, actorem solum abuti foro identitatis cau-  
 sarum, dum in fraudem primae instantiae reum veletiam plu-  
 res reos obtentu fori specialis coram iudice superiori conue-  
 nit: quum reus non minus taxandus sit, qui exceptione  
 continentiae causarum non diuidendae tutum se gerens acto-  
 rem ad forum superius trahere conatur aduersus genuina iu-  
 ris principia. Vitanda inprimis erit fori istius nimia extensio  
 intuitu PROCERVVM S. ROM. IMP. ne hi continentiae cau-  
 sarum praetextu ad suprema IMPERII tribunalia vocentur,  
 indeque iure Austregarum in specialibus quibusuis negotiis  
 priuentur. Parum hic quidem curo, num a iudicio Austrega-  
 num liceat appellare tribunalia ista, quum partim disquisitio  
 momenti huius accuratiorem requirat originis iudicii illius in-  
 uestigationem, partim legibus IMPERII actisque eiusdem pu-  
 blicis adfirmantium sententia certo ad minimum comprobata  
 sit modo. Etenim *Instrumentum Pac. Ornabrug. Art. V. §. 56.*

speciatim  
 fori austre-  
 garum.  
 An austregae  
 sint prima in-  
 stantia?

an obtineat  
continentia  
causar. ad-  
uers. austre-  
gas?

*Rec. Imp. de 1654. §. 105. et Capitular. nouiss. art. XVIII. §. 4.* forum Austregarum primae instantiae nomine in oppositione ad summa IMPERII tribunalia insigniunt, ideoque haec posteriora pro superioribus talibusque, ad quae ab illis prouocari potest, implicite iubent haberi: vt responsorum perplurium, quae tam ab ipsis IMP. tribunalibus, quam in Comitibus, idcirco emanarunt, haud iniuciam mentionem. Ipsam vero, quam proprie tractamus, quaestionem quod attinet, saepissime inunctam animaduertimus per sanctiones IMPERII fundamentales Aulico pariter atque Camerali Iudicio eminentissimis observationem inris Austregarum, qua posita abusum continentiae causarum simul detestantur legislatores. Sane cit. art. et *§. pho Pac. Osnabr.* ita est statutum: *Caeterum in Aulico non minus quam in Camerae Imperialis iudicio priuilegium primae instantiae, Austregarum intra et priuilegia de non appellando STATIVS IMPERII illibata sunt, nec per Mandata aut Commissiones aut Auocationes aut quouis alio modo turbantur.* Haud alius est naturae dispositio *Recess. IMP. recentiss. §. 105:* *Benebens sollen Cammer Richter, Praesidenten und Besitzere etc. die erste Instancias und Austräge bey Erkennung der Processen fleissig in acht nehmen, was dargegen vorgegangen, wieder abthun; fürs künfftig dergleichen Violatores der ersten Instanzen mit geziemender Straf pro arbitrio iudicis ansehen.* Immo ne maiorem in Austregarum praeiudicium potestatem sibi vindicet Gloriosissimus Senatus Aulicus, quam Augusto Tribunali Camerali indultam perpescimus ex citatis *Recess. IMP. verbis*, eadem lege *§. 103.* SACRATISSIMVS IMPERATOR et illi iudicio sequentibus posuit modum: *Was dann Churfürsten und Stände, und der abwesendrn Rätthe, Botschaften und Gesandten gesucht und gebetten, daß die primae Instanctiae und Austräg bey unsern Keyserlichen Reichs-Hofrath nicht weniger als bey dem Cammer-Gericht stricte obseruirt werden möchten: da haben wir seither unser angetretenen Regierung solche Priuilegia allezeit gnädigst beobachtet, dasselbe auch weiters zu thun, Unserm Reichs-Hofrath ernstlich und gemessen*

cm-

*eingebunden.* Maximum non minus robur his omnibus capitulationes AVGVSTISSIMORVM CAESARVM addiderunt, quarum nouissima *articul. XVIII. §pho 4.* INVICTISSIMVS IMPERATOR FRANCISCVS Austregalium iudiciorum conseruationem sic firmissime sponndit: *Sondern einen jeden boy seiner Immedietart etc. item lure Austregarum, tam legalium quam conuentionalium vel familiarium, bey der ersten Instanz, und deren ordentlichen unmittelbaren Richteren, mit Aufheb- und Vernichtung aller deren bis daber etwa dagegen, unter was Schein und Vorwand es seyn möge, beschriebener Contrauentionen, ergangenen Rescripten, Inhibitorien und Befehlen bleiben.* Hicce principio *§phi 5. ibid.* subnectit IMPERATORIA MAIESTAS pacificens: Und keinen mit Commissionen, Mandaten und anderen Verordnungen darwieder beschweren oder eingreifen, noch auch durch den Reichs-Hof-Rath und das Cammer-Gericht oder sonsten eingreifen. Haud quidem in eo laboro, vt adductis legalibus his essatis vsum fori continentiae causarum aduersus Austregas plane vocem in dubium: sed id saltem ago, vt ante oculos ponam, temerariam eiusdem adplicationem fundamentalibus IMPER. sanctionibus aduersari; ideoque in iis etiam casibus, vbi leges IMPER. forum istud attendi praecipiant, insigni vitium esse circumscriptione, ipsasque speciales constitutiones vsum fori identitatis causarum indigantes iuxta haec debere intelligi. Interim *Ordinat. Iudic. IMPER. Cameralis Part. II. l. 9. §1.* hoc modo disponit de continentia causarum: *Wann wider zween oder mehr Consortes, deren ieder seine sonderbare Aufträge hätte, alsobald in Camera suppliciret würde: Ordnen Wir, daß in solchem Fall, da sich aus den Narratis die Continentia Causae befinden würde, und sich die Partheyen eines endlichen vnd gewissen Richters nicht vergleichen könten, alsdenn alsobald an unsern Kayserlichen Cammergericht Proceß erkant sollen und mögen werden.* Minime profecto ex hoc textu fluit, quod contra plures reos diuersis austregalibus iudiciis gaudentes actio statim possit proponi coram eminentissimo Iudicio Camerali:

merali: quum legalia multo magis praecipiant verba tentandam communis iudicis electionem, de quo vt inter omnes conueniat litigatores, necesse est. Deficiente igitur tali consensu rem ad Cameram deferri, ibique ventilari AVGVSTISSIMVS, a quo ordinatio haec promulgata, imperat legislator. Aliam, vbi continentia causarum aduersus aufregas adplicanda est, visionem posuit eadem *Ordinat. loc. cit. § pbo 2.* cuius tenorem hunc percipimus: *Gleichermassen wann einer, so vermög der Reichs-Ordnung vor die Austräge gehörte, mit andern seinen Unterthanen und Dienern zu beklagen, sollen die Austräge disfalls nicht statt haben, sondern soll Unser Cammermer-Gericht, als das höchste Gericht, ob continentiam causas darunter anzulangen seyn. Es wäre dann, daß die Diener oder Unterthanen für sich selbst, mit der Sachen nichts zu schaffen, und allein zu derselben als bloße Ministri gebraucht, auch ex facto suo sie nicht, sondern ihr Herr dem Kläger obligirt und condemniret werden möchten, auch der Herr die Unterthanen selbst vertreten wolte und könnte, auf welchen Fall allein auf den Principal zu sehen, und nach Ordnung der Austräge der Herr denselben nicht, sondern der Unterthan und Diener diesfalls lbne zu folgen schuldig seyn soll.* Clara quidem sunt constitutionis huius verba, nec video, qua ratione alius sensus ex illis sit extorquendus, quam is, quem communiter inde apparere existimant. Hoc tamen non obstat interpretationi rationali, quae in explicandis legibus IMPERII aequae ac in aliis superiorum iussis secundum prima tam dialectices quam in primis iurisprudentiae praecepta necessario debet obseruari. Hanc vero haud difficulter deduxeris ex causis legis atque ex indole principiorum, quibus conditores eius fuerunt imbuti. Manifeste patet, auctores sanctionis fouisse opinionem de concurrente summorum IMPERII tribunalium cum dominis territorialibus iurisdictione in specia- lium subditos territoriorum, quasi scilicet fas esset, hos in prima statim instantia ad Iudicium Camerale euocare, quod quum principiis genuinis de superioritate PROCERVVM territori-

toriali tum difertae legum fundamentalium contrariatur cautioni: quae potius docent, contra ciues territoriorum litem nullibi quam coram immediatis eorum iudicibus a domino regionis pendentibus effe mouendam; quod *ſpho ſeq.* in exponendo axiomate VI. latius proſequemur. Dubium fortaffe ſubnaſci poterit, num liceat iudicibus in certo territorio iurisdictione fungentibus cognoscere cauſam ſubditi, in quam territorialis imperantis cauſa ſimul incidit, eamque ob rationem quis efficere poterit, tunc locum effe iurisdictioni tribunalium Germaniae communium. Sed nec hoc ſtringere videtur argumentum, quum quotidiana doceat experientia cognitionem ac deciſionem dicasteriorum prouincialium in cauſis, ubi ſolus dominus territorialis rei ſuſtinet vices: unde, tanquam a maiori, argumentum ad praefentem quaefitionem dirimendam, ceu ad minus, crediderim efformandum, cauſamque eiusmodi ita ſcindendam, vt dominus ad Auftregas, ſubditus vero ad iudicem, cui in prouincia immediate paret, ſe vocandus. Satis inſuper conſtare debet cuius publicorum indagatori iurium, Auftregas minime effe accipiendas pro commiſſariis CAESAREIS aut iudicibus ſingulari CAESARVM beneficio indultis: in quem errorem incidere non poſſunt non ii, qui Auftregarum originem ex capitularibus Regum Francicorum deducunt, ubi non raro de iudicibus vicinis cognofcentibus verba fiunt, quae tamen non aliter, quam de perſonis a Rege delegatis et ad ſingulas tantum cauſas datis, ſunt intelligenda. Dicendum e contrario, conuentionales et familiares Auftregas pariter ac legales non ex priuilegio, ſed ex regula inris ordinarii competere, nec itaque a ſola CAESAREA MAIESTATE, multoque minus a tribunalibus IMPERII, poſſe reuocari: quod ipſum momentum parum ſollicite perpendiſſe coniiicio eos, qui conſilia ſuppeditarunt in conſcribenda ordinatione camerali. Saepe hinc contigit, vt controuerſiae mouerentur de competentia iudiciorum ſupremorum propter continentiam cauſae, ac de excluſione Auftregarum: quod abunde teſtantur *Dubia Cameralia*, quae vulgo ad an-

NUM

num cdo lxxv. referuntur, ex quibus *dubium* s. ab Assessoribus Camerae propositum huc facit. *Dubium* illud hac ratione est conceptum. Wann einer so die Austräg hat, mit samt andern seinen Unterthanen oder Dienern zugleich zu beklagen, sind eines theils der Meynung, daß die Sache nicht gleich in Camerae möge gezogen werden, sondern dieselbe vor die Richter der Austräge gehörig sey. Dann ein Unterthan und Diener seinen Herrn und dessen (als dignioris) Richter (qui hac in parte haud dubie superioris potestate fungitur) nachzufolgen schuldig, dann sonst einen Fürsten oder Stand etc. an solchem Beneficio nicht weniger Abbruch geschehen möchte etc. Letzlich aber maioribus votis dahin geschlossen, daß die Austräge diesfalls regulariter nicht statt haben mögen, dieweil sie stricti iuris, und derselben Richter iurisdictione limitata ist, auch sich ferner nicht erstrecken mag als über diejenige, welche der Austräge fähig, wie auch in dem Fall, die Priuati und Consortes huiusmodi mit Benennung der Richter nichts zu schaffen, sondern ihre eigene ordinarios iudices haben, derowegen ob continentiam causae ad omnium illorum superiorem zu geben. Es wäre dann, daß die Diener oder Unterthanen vor sich selbst mit der Sache gar nichts zu thun etc. Auf welchen Fall es davor geachtet, dieweil dieselben ganz überflüssig, und gleich in fraudem der Austräg mit eingemischt, ihre Aemter auch und Befehl allein temporal, und leichtlich ganz verändert werden mögen, daß derobalben allein auf den Principalm zu sehen. Mihi profecto non liquet, sufficere rationes eorum, qui iurisdictionem Camerae statim adstruunt fundatam, quum haec fundamenta omnia partim imaginariam istam supponant iudiciorum Austregalium naturam, quam plerumque fingunt, partim non evertant argumenta pro scissione causarum hac Sp̃ho in medium prolata. Idem tenendum esse reor de limitatione asserti, vbi genuini fontes, ex quibus hauriendum fuisset decusum, pari modo sunt omitti. Resolutum est *dubium* illud Camerae in des Chur- und Fürsten-Raths ersten Bedenken in puncto dubiorum Cameralium §. 4. Obwohl bey dem s. Dubio unterschiedliche Meynungen und Beden-



denken vorgefallen, so ist der letzten doch beygefallen. Cur ita decisū fuerit controuersia, perspicue sentieris, si resolutionem dubii 4. immediate præcedentem simul fueris contemplatus. Dubium ita se habebat: Wann wider zween oder mehr Consorten, deren ein ieder seine sondere Austräge hätte, alsobald in Camera suppliciret: Ist in decernendis processibus Ungleichheit befunden, indem etliche vermeynet, daß keinem sein Beneficium der Austräg sine culpa abzustricken, sondern ein jeder seines Gefallens deren zu gebrauchen haben solle, bis er sich dessen selbst expresse aut tacite begeben. Hergegen aber andere in mehreren es davor geachtet, da in obgesetzten Fall sich aus den narratis befinden würde, daß es unmöglich, daß citra distractionem continentiae die Austräg mit allen ihren Requisitis (welche dann striete und præcise zu halten) statt haben können, alsdann sobald in Camera Proceß erkant werden mögen. Responsum, quod Camerales ad hoc dubium tulerunt, ex cit. §pho 4. des ersten Bedenckens ita cape: Das 4. ist angenommen worden nach der letzten Meynung, doch mit der Maas und Bescheidenheit, daß die Continentia manifesta et notoria sey, und darinn keine Gefährlichkeit gebraucht werde. Verum diuinatione ferme opus est, quo determinetur, quid sit notorium. Subobscurum terminum in ius canonicum ideo introductum, neminem fugit, vt hierarchica potestas eo firmitibus superstrui queat fundamentis. Fortassis consilarii STATVM, qui eo æuo vera publicae iurisprudentiae principia ignorabant, eaque de re iura PROCERVVM parum vigilanter curabant, eum in finem sub voce maxime incerta latitare maluerunt, vt Camerae Imperiali perpetuum ius determinandi notorias causas competeret: quo ipso patet, restrictionem re vera dicis causa fuisse adiectam. Haec quoque circa resolutionem dubii 5. erunt monenda: siquidem hoc rite dirimendum postulasset exactiorem suprematus ORDINVM cognitionem, quam illo tempore frustra ab iis ipsis, qui in rebus gerendis vel maxime versabantur, expectaueris. Rectius hos ratiocinari arbitror, qui tunc obtinere existimant iurisdictionem sumorum IM-

obseruat. 1. 6.  
de vsu fori hu-  
ius aduersus

iudicia Imp.  
particularia

PERII tribunalium vniuersaliū, Aulici et Cameralis, quando rei subiecti sunt pluribus dicasteriis IMPERII particularibus, *denen Reichs-Hoff- und Land-Gerichten*. Vix enim de his asseri poterit, quod in fauorem PROCERVM, aequae ac Austregalia iudicia, sint constituta: quum contrarium liqueat ex frequentissimis querelis, quae contra Rothwilense iudicium ac dicasteria prouincialia Sueuica a STATIBVS proferuntur, quas etiam CAESARES in capitulationibus haud iniustas pronunciarunt: quin nec priuilegiis exemptionum aduersus haec iudicia obicem ponere nituntur L.L. IMPERII fundamentales. Porro intuitu horum iudiciorum inficiandum non est, quod suprema et vniuersalia tribunalia, Vindobonenſe et Wezlarienſe, omnimode sint illis superiora, quae conditio ad iustam continentiae causarum adplicationem pertinet. Longe igitur diuersa est Austregarum et huiusmodi dicasteriorum natura, nec ab his ad illas duci argumentum sanior finit publicorum iurium intellectus. Quum supra iam sit traditum, ex continentia causae fundari nonnunquam ius cognoscendi iudicis ecclesiastici: notandum utique est, quod nec hoc in primae instantiae vergere debeat praecudicium. Quod iurisdictionem Imperialium iudiciorum attinet, horum potestatem integram seruandam nec officialium episcopaliū aut curiae Romanae attentatis turbandam curae cordique praecipue habuit D. IOSEPHVS IMPERATOR. Eam obrem ad officiales, iudices, magistratus, aduocatos, procuratores et subditos Ledodienſes, nec non ad Colonienſes, Paderbornenſes et Monasterienſes tum Praefules tum officiales, vti et ad Legatum Caesarum COMITEM WELZIVM perplura emanarunt rescripta. Attamen haec in transitu saltem heic refero, atque pleniorē huiusce capitis illustrationem ad connexitatem causae alia occasione dilucidandam remitto, quippe cuius speciem adpellatio ad ecclesiasticos iudices efficit.

### §. XII.

Axiom. VI.  
defectus furi

Sextum tandem axiomā §. III. conceptum indicat, obtinere saltem forum identatis causarum in eodem territorio, non vero

vero accipiendum esse in praeiudicium superioritatis territorialis, et, quod ex hac fluit, iuris de non euocando. Quo his faciliori negotio perspicendis pares simus, quaedam tantum subnectam ac clariorem accommodata ac distinctiorem axiomatis contemplationem. Supponit forum identitatis causarum aut rem, quae petitur, pluribus iudicibus subiacentem, aut reos variae iurisdictionis subditos, ita tamen ut iudices distincti forum commune ac omnimode superius agnoscant (§. II.) quod quomodo ex indole iudiciorum Romanorum, qualis **CONSTANTINI M.** aetate fuit, interpretandum sit, evidens est ex ratione *l. 10. C. de Iudic.* quam *§ pbo V.* suppeditavi, potestate nimirum praefecti urbi ampliori reddenda. Nullatenus certe quadrant haec principia ad **PROCERVUM IMPERII GERMANICI** territoria, quae Camerali vel Aulico Senatui eo minime parent obsequio, quo iudices plurium provinciarum praefecturam vrbicariam venerabantur. Etenim in Constantinopolitano **IMPERIO** diuersarum provinciarum rectores ministrorum **CAESAREORVM** solummodo instructi erant iuribus, nec districtus ipsis demandatos proprio moderabantur nomine, quum vicario Principum nomine illis praessent, nec ergo ex pactis eorum fluebat subordinatio ad praefectum urbi. Haec omnia secus aestimanda sunt in dominis terrarum Germanicarum. Hi tribunalibus licet sub sint communibus, hoc tamen aeque ac omne aliud subordinationis genus, ex pactis deriuandum est, quorum numero **Leges IMPER.** fundamentales quoque debent accenferi. **PRO CERES** enim per se olim independentes terrarum imperantes, dein in communem coalescentes rempublicam ex pactis, tum expressis, tum tacitis, quibus se inuicem vnierunt, sunt aestimandi. Ex his autem perspicimus, eos non ita stabiliuisse **IMPERIVM** commune superius, ut vicario ideo regant nomine provincias, quas vel in feudum **IMPERIO** obtulerunt, vel a maioribus allodiali iure in se deuolutas et ab **IMPERIO** dependentes possident. Multo minus adhuc affirmandum, **ORDINES** Germaniae concurrentem indulsisse per quaecunque territo-

contra subditos diuersor. territoriorum ob ius de non euocando

demonstratio ex natura fori continent. causar. et ratione legis *10. C. de iudiciis.*

vtterior probatio ex indole superioritatis territorialis et iuris de non euocando, quod illius vi competit

quod demon-  
stratur theti-  
ce

ria iudiciis, quae communi consensu condiderunt, iurisdictionem, ac potestati iudiciariae, quam vi superioritatis uti caetera iura maiestatica tenent, renunciassent. Nam prout ex elementis publici iuris vniuersalis discimus, summo in quauis republica imperanti maiestatica iura omnia competunt exercenda, inter quae quoque referenda est potestas iudiciaria: qua si vel in totum, vel in tantum excidere debet princeps, abdicatione iuris eius opus est; quae tamen non statim coniicienda, si dominus terrae in foederatarum transeat vniionem ciuitatum, uti a Germanicis factum PRO CERIBVS. Hinc apparet, ius de non euocando, vi cuius subditos territoriorum coram extraneis conuenire non licet iudicibus, sponte fluere ex iure maiestatico iudiciario, indeque semper cohaerere superioritati territoriali, quum haec quasuis complectatur potestatis supremas partes, vsque dum restrictio per pacta vel expressa, quo pertinent Leges IMPER. fundamentales, vel tacita, scilicet obseruantiam seu ius consuetudinarium, contigerit. Quotiescunque ergo generalis intuitu iuris cuiusdam maiestatici facta est restrictio, postmodum certi quidam status a regula hac iuris ordinarii excipiuntur, toties his concessum dici poterit priuilegium. Deficit profecto constitutio IMPERIALIS iuri de non euocando STATVVM IMPER. detrahens et concurrentem tribunalibus IMPERII summis vindicans iurisdictionem: quapropter ius istud priuilegii adpellatione citra rationem venit. Parum igitur e re videtur cum B. DNO. A LVDEWIG, e) iniustitiam euocationis ciuium ex obseruantia deriuare, quum nec legem scriptam, nec ius non scriptum requirant ea, quae ex indole et natura rerum, hinc et superioritatis territorialis, proueniunt ac aestimari possunt: nisi forsitan VIR SVMMVS sub obseruantiae et iuris consuetudinarii nomine ex more plurium intellexerit speciales conclusiones ex solidis fundamentis de potentatu PRO-

CE-

et antitheti-  
ce

e) *Commentar. ad A. B. Tom. I. p. 207.*

CERVINI eruendas, perpetuumque exercitium singularum suprematus partium. Obmouerint forte quidam leges IMP. fundamentales, quibus ius de non euocando privilegii venit nomine: quo inprimis capitulationes spectant. Sane harum nouissima *art. XVIII. §. 4.* verba INVICTISSIMI IMPERATORIS sequentia habentur: *Sondern einen jeden bey seiner Immedietaet, Privilegiis de non appellando et euocando, so wohl in Civil- und Criminal- als Lehns-Sachen, electionis fori etc.* Similem in modum *§. 6. eiusdem art.* haec reperiuntur: *In Ertheilung aller derer icz gemeldten Privilegiorum de non appellando, non euocando, Electionis fori, und dergleichen, welche zu Ausschliessung und Beschränkung des Heil. Reichs-Jurisdiction, oder der Ständen älteren Privilegien, oder sonst zum Praejudiz eines Tertii ausrimmen können, sollen und wollen wir die Nothdurft väterlich beobachten.* Vix autem eiusmodi obiectionibus eam, quam ago, causam pulsari iudico, quum alio iamiam loco f) indolem formularum loquendi consiliariis, qui in publicis IMP. legibus ferendis adhibentur, familiarium declaravi. Perpendenda quoque sunt effata haec uti alia verba enunciatiua, quae longe distant a verbis dispositiuis, nec diuellanda observatio, quod maioris securitatis, et ut leguleiorum praec conceptis etiam opinionibus earumque applicationi obex ponatur, ORDINES IMP. haud raro *ab IMPERATORIA MAIESTATE* impetrarint codicillos iura ad regimen territoriale nemine contradicente spectantia largientes. Tantum de argumentis ex ipsa suprematus PROCERVINI natura repetitis: nunc legum fundamentalium incae sententiae de iniusto fori continentiae causarum vsu in praeciudicium iuris territorialis patrocinantium paucis ineunda erit ratio. Generatim SACRATISSIMVS, quo moderante Germanicae res iam crescunt, AUGUSTVS legis regiae *art. I. §. 8.* sponndit: *Wir wollen weder denen Reichsgerichten noch sonst jemand, wer der auch seye*

fulcrum doctrinae nostrae ex tenore legum Imperii

f) *Exercit. de regal. eadem, monet, p. 59.*

seye, gestatten, daß denen Ständen in ihren Territoriis in Religion-Politischen- und Justiz-Sachen sub quocunque praetextu vor- oder eingegriffen werde. Hac non solum sponitione vniuersa potestas iudiciaria, quae porentatus iure exercetur, facta tecta promittitur: verum explicitam continentiae causarum in huius praeiudicium non trahendae commemorationem docet eiusd. Capitulat. art. XXI. §. 1. Wir gereden und versprechen, Churfürsten, Fürsten und Stände des Reichs (die freye Reichs-Ritterschaft mit begriffen) wegen ihrer angehöriger Lehen die seyen gelegen wo sie wollen, bey ihren Lehenherrlichen Befugnissen und Gerichtbarkeit in deen dahin nach den Lehen-Rechten gehörigen Fällen, allerdings ohne einträchtiget, und ihnen darin von keinem Reichs-Gericht neque sub praetextu Continentiae Causarum, neque Iudicii vniuersalis eingreifen zu lassen. Quum textus hic D. CAROLI VII. tempore demum insertus sit capitulationi, non inique censuerim, sensisse consultatores longe prudentissimos, hac, quam reprobant, ratione, iuris licet obtentu, laedi saepissime potestatem territorialem, iis ex aduerso dictariis, quae antea ob stare nobis videbantur, secundum antiquas formulas in recentiores capitulationes transcriptis. Neque restringenda sunt verba legis ad feuda tantum, quoniam eadem immo multo maior adhuc subest ratio in allodiis: siquidem haec, quae recensentur, ex superioritate fluunt, quae par est in his ac in illis. Vitimo tandem loco animaduertendum, quod nemo non ex deductis diuersitatem iuris de non appellando, quod priuilegium supponit, ac de non euocando, quod citra sacram largitionem competit, nec non differentiam appellationis, ubi in secunda instantia ad forum superius itur, atque identitatis causae, propter quam iudicium superius prima fit instantia, sat euidenter perceperit. Quare parum arridere potest fundamentum, quo aduersus competentiam iudiciorum imperium vtuntur, a priuilegio de non appellando scilicet argumen-

obseruat. de  
differentia  
iuris de non  
adpellando et  
non euocando.

gumentum ducentes ad defectum fori continentiae causarum. Simul hinc recte inferimus, haec, quae de fori continentiae causarum defectu tradidimus, principia ad omnium IMP. STATVVM terras aequali modo quadrare, nec ad ELECTORVM restringendas esse prouincias, quarum posteriorum tantum iniur rationem ILLVSTRIS DN. A LEYSER, g) facta quoque iuris de non adpellando mentione. Mitto tamen declarationem huiusce momenti, vt et aliorum quae ad fori huius vsu vel abusu in negotiis IMPERII publicis faciunt, articulorum: quippe quorum prosecutionem singulari potius tractatiunculae idcirco conficiendae destinatae haud ferret praesens institutum. Figo igitur hic pedem, speciminique statuo

F I N E M.

g) *Madis. ad Pandect. Tom. II. Specim. 122. de continent. caus. mediet. 7.*



NOBI-

NOBILISSIMO DOCTISSIMOQUE  
DOMINO RESPONDENTI

S. D.

P R A E S E S

**D**iuersa admodum est natura earum, quae in Academiis vigent, consuetudinum. Aliae legalibus ex esse congruunt praescriptis, finemque reipublicae litterariae, quem singuli studius dicati sibi statuunt, insignem in modum promouent: quum e contrario aliae ita sint comparatae, ut salutis communis obstacula merito iudicentur. Quemadmodum vero, DOCTISSIME RESPONDENS, ea menti TVAE semper inhaesit cura, ut alienum TE praebes ab his posterioribus, ut ingenio parum dignis cultiori: sic eiusmodi consuetudinum, quae laudes proborumque adplausum merentur, obseruatorem TEmet exhibuisti religiosum. Refero ad indubitata erectioris TVAE indolis testimonia id ipsum, quod monstrandarum virium causa conflictum sis adgressus disputatorium. Eo magis propter hoc commendandus es, quum non iniuitus vel necessitate mandatis superiorum obtemperandi adactus ad exercitium eiusmodi accesseris, sed sponte ac virtutis amore solertiae TVAE commonstrandae consilium ceperis tale. Voueo sane, ut omnia ex sententia TIBI fluant, discessumque ex Athenis nostris, exantlatis laboribus Academicis, paranti iustam diligentiae adprecior compensationem. Vale. Hallae Salicae 18. Kal. Ianuar. Anno O. R. cld lxxccl.

